

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 24  
DE SETEMBRO DE 2015.-**

**ÍNDICE DE PUNTOS**

Punto Primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.....	4
Punto Segundo.- Aprobación, se procede, de actas anteriores.....	4
Punto Terceiro.- Aprobación inicial da modificación da Ordenanza Reguladora das hortas urbanas sostíbeis e solidarias do concello de Ames.....	4
Punto Cuarto.- Moción presentada polo grupo municipal Ciudadanos-Partido da Cidadanía o 14 de setembro de 2015 (R.E. núm. 10186) pola liberación de Leopoldo López e demais presos políticos en Venezuela.....	16
Moción de urxencia presentada polo grupo municipal Ciudadanos para a adaptación de espazos públicos ao uso compartido por persoas e animais de compañía. ....	16
Moción de urxencia presentada o 14 de setembro de 2015 (R.E. núm.10181) por M <sup>a</sup> Pilar Candocia Pita para solicitar a adhesión do Concello de Ames á rede de concellos saudables (R.E.C.S.).....	16
Moción de urxencia presentada polos Grupos Municipais Socialista, Ames Novo, Contigo Pódese, Pacto x Ames, Bloque Nacionalista Galego e Ciudadanos con motivo da marcha estatal contras as violencias machistas do 7 de novembro de 2015.....	17
Moción de urxencia.- Toma de coñecemento polo Pleno da renuncia da concelleira Ana Ruso Valiña e solicitude de expedición de credencial a favor de Francisco Javier Olmo.....	18
Punto Quinto .- Rogos e Preguntas .....	19
Preguntas.-.....	26

C.I.F.: P - 1500200 - I



**ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA**

**CERTIFICO:** QUE O PLENO DESTE CONCELLO LEVOU A CABO SESIÓN ORDINARIA O 24 DE SETEMBRO DE 2015, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 24 DE SETEMBRO DE 2015.**

No Salón de Sesiões da Casa do Concello de Ames, ás vinte horas e trinta minutos (20:30) do día 24 de setembro de 2015, reúnese o Pleno do Concello en sesión ordinaria de primeira convocatoria, baixo a presidencia do señor alcalde, **José M. Miñones Conde**, e coa asistencia das/os señoras/os concelleiras/os seguintes:

<b>Grupo municipal Popular</b>	Santiago V. Amor Barreiro
	Alberto Piñeiro Rodríguez
	Mª Oliva Agra Costoya
	Ana Ruso Valiña
<b>Grupo municipal Socialista</b>	José M. Miñones Conde
	Luisa Feijoo Montero
	José Blas García Piñeiro
	Mª Isabel González Cancela
<b>Grupo municipal IC- Ames Novo</b>	Mª Pilar Candocia Pita
	Mª Jesús Bóo Feijóo
	Xaime Subiela Pérez
	Roberto Amarelle Garabán
<b>Grupo municipal Contigo Pódese</b>	Genma Otero Uhía
	Catuxa García Mallo
	Silvia Dapena Liñares
<b>Grupo municipal Pacto X Ames</b>	Ramón García Argibay
	Mª Dolores Fernández Álvarez
	María González Gómez
<b>Grupo municipal BNG-Asembleas Abertas</b>	David Santomil Mosquera
	Mª Isabel Vaquero Quintela
<b>Grupo municipal Ciudadanos - Partido da Cidadanía</b>	Francisco J. López Suárez

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

**ORDE DO DÍA:**

**A) PARA DAR CONTA**

**Punto Primeiro.-** Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde, **José M. Miñones Conde**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os

as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os, en calquera momento na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática aos señores/as concelleiros/as.

## **B) PARA DELIBERACIÓN E ACORDO.**

### **Punto Segundo.- Aprobación, se procede, de actas anteriores.**

No que respecta á acta de 3 de setembro de 2015, o alcalde expón que na pregunta número décimo oitava a concelleira que contesta a María González é Isabel Vaquero Quintela e non Isabel González Cancela.

Sometida a votación, coa corrección indicada pola Alcaldía, a acta da sesión do pleno de 3 de setembro de 2015, resulta aprobada por maioría absoluta dos membros presentes, coa abstención do concelleiro Francisco Javier López Suárez e a da concelleira María Dolores Fernández Álvarez, por non ter estado presente nesa sesión, e o voto favorable do resto dos/as concelleiros/as presentes.

*Neste punto da orde do día se incorpora o concelleiro Xaime Subiela Pérez.*

### **Punto Terceiro.- Aprobación inicial da modificación da Ordenanza Reguladora das hortas urbanas sostibles e solidarias do concello de Ames.**

(.....)

Rematadas as intervencións, o pleno da Corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes, adopta os seguintes acordos:

**Primeiro.-** Aprobar inicialmente a modificación da Ordenanza Reguladora das hortas urbanas sostibles e solidarias do concello de Ames, cuxo texto figura como anexo I deste acordo.

**Segundo.-** Publicar o dito acordo de aprobación inicial, por prazo de 30 días hábiles a efectos de exame e reclamacións, mediante anuncio no BOP, taboleiro de edictos e páxina web municipal. Para o suposto de non presentarse reclamacións a aprobación inicial quedará elevada a definitiva de xeito automático.

**Terceiro.-** Facultar ó alcalde do Concello de Ames, para cantas actuacións de trámite sexan precisas para a mellor execución do acordado.

## **Anexo I**

### **ORDENANZA REGULADORA DO FUNCIONAMENTO DE HORTAS URBANAS MUNICIPAIS SOSTIBLES E SOLIDARIAS DO CONCELLO DE AMES**

O Concello de Ames, ao abeiro do disposto na Lei 7/1985, de 2 de abril, reguladora das bases de réxime local (LRBRL), na Lei 33/2003, de 3 novembro, de patrimonio das administracións públicas, no Real Decreto 1372/1986, de 13 de xuño, polo que se aproba o Regulamento de bens das corporacións locais (RB) e demais disposicións aplicables, procede a regular o uso de parcelas urbanas habilitadas para Hortas Urbanas Municipais Sostibles e Solidarias co fin de garantir unha correcta xestión das mesmas.

#### **Artigo 1. Definicións**

- Horta Urbana Municipal. Espazo público xestionado polo Concello de Ames, formado por pequenos terreos de cultivo e destinado á práctica de agricultura sostible.
- Comisión técnica de seguimento. Creada dende o Concello co fin de velar polo cumprimento da presente ordenanza.
- Usuario/a. Persoa que coida e cultiva unha parcela da Horta Municipal Sostible e Solidaria, previa autorización do seu uso.

#### **Artigo 2. Obxectivos.**

- Recuperar espazos urbanos para uso público e achegar diversidade á paisaxe do municipio.

2. Ofrecer un espazo de ocio e actividade para as persoas.
3. Fomentar a participación cidadá.
4. Promover boas prácticas ambientais de cultivo, xestión de residuos, aforro de auga, agricultura ecolóxica, recuperación de usos e costumes da agricultura tradicional, preservación de variedades autóctonas, etc.
5. Mellorar a saúde da cidadanía e manter a calidade de vida.
6. Favorecer a integración de colectivos, ocupando o seu tempo e facilitando a creación de novas relacións.
7. Potenciar o carácter educativo das hortas
8. Establecer e valorar as relacións entre o medio natural e as actividade humanas.
9. Promover unha alimentación sa e hábitos saudables
10. Impulsar un maior coñecemento e respecto polo medio natural.
11. Promover as relacións e o intercambio xeracional e intercultural.

### **Artigo 3. Descrición.**

As hortas urbanas municipais sostíbeis e solidarias do Concello de Ames, obxecto desta ordenanza teñen, no núcleo urbano de Bertamiráns, unha superficie de 1600 m<sup>2</sup>, e están situadas nun terreo de propiedade municipal, na Área de Planeamento Específico A.P.E. B/-01. No núcleo urbano do Milladoiro teñen unha superficie de 2.017 m<sup>2</sup>, ubicadas na parcela denominada como DOTACIONAL pertence ao Plan Especial de Reforma Interna. P.M.6- 01 rúa do seixo- rúa Codeseira.

### **Artigo 4. Obxecto.**

A presente normativa ten como obxecto o establecemento das disposicións que rexerán a autorización e uso das Hortas Urbanas Municipais Sostíbeis e Solidarias en espazos públicos municipais habilitados para tal efecto. As súas disposicións obrigan tanto aos/as usuarios/as como ao Concello de Ames.

### **Artigo 5. Ámbito de aplicación.**

A presente ordenanza é de aplicación aos terreos propiedade municipal cunha extensión de 1600 m<sup>2</sup>, situados na área de Planeamento Específico A.P.E. B7-01, No núcleo urbano do Milladoiro teñen unha superficie de 2.017 m<sup>2</sup>, ubicadas na parcela denominada como DOTACIONAL pertence ao Plan Especial de Reforma Interna. P.M.6- 01 rúa do seixo- rúa Codeseira. Así mesmo será de aplicación a aqueles outros outros que nun futuro puideran existir.

### **Artigo 6. Destinatarios/as**

Para poder acceder á solicitude do uso das Hortas deberanse cumprir os seguintes requisitos:

- a) Ser maior de idade.
- b) Figurar inscrito/a no padrón municipal de habitantes do Concello de Ames.
- c) Estar fisicamente e psiquicamente capacitado/a para realizar traballo de horta, mediante aportación de informe médico.
- d) Estar ao corrente no pagamento das obrigas tributarias municipais.
- e) Asinar o documento de aceptación e cumprimento das obrigas expostas nesta ordenanza.

### **Artigo 7. Prohibicións para ser destinatarios/a.**

- a) Pertencer a unha unidade familiar que xa é usuaria de Horta Urbana Municipal e Sostíbeis do Concello de Ames.
- b) Haber sido privado/a dunha horta urbana municipal previo expediente sancionador.

### **Artigo 8. Criterios de prioridade.**

O acceso ás hortas está aberto a todos os/as veciños/as de Ames.

Reservarase un 14 % das parcelas para casos de emerxencia social informados polos Servizos Sociais do Concello de Ames e outro 14 % das parcelas para persoas maiores de 65 anos.

#### **Artigo 9. Competencias e vixilancia.**

- 1) Correspóndelle ao Concello de Ames o exercicio das funcións técnicas de asesoramento, de vixilancia e de sanción para o correcto uso dos terreos de propiedade municipal afectados por esta normativa. Os usuarios/as serán responsables do seu correcto uso e dos danos efectuados neles, nas instalacións e nos elementos empregados, sexan estes de titularidade municipal ou propios das persoas usuarias. O Concello non se fará responsable dos danos ocasionados nas hortas e nas súas instalacións nin da desaparición e danos sufridos nos elementos que os/as usuarios/as empregan con ocasión do seu uso, nin dos danos que se poidan ocasionar a terceiros.
- 2) De forma regular, vixiarase o uso que se realice das hortas. Esta vixilancia efectuaraa o persoal dos departamentos de Medio Ambiente e Desenvolvemento Local, e a Policía municipal, e non será necesario aviso previo ao/a usuario/a.
- 3) Cando o informe de inspección sobre o estado dunha horta ou terreo en cuestión, ao que se refire o apartado anterior, sexa negativo ou desfavorable durante dúas ocasións ao longo da autorización, producirase a revogación do uso. Isto será motivo de baixa, aínda que se realice a correspondente solicitude de continuación por parte do usuario/a.
- 4) Con anterioridade ao remate do prazo de autorización de uso, se o/a usuario/a desexara seguir usando a horta durante un novo período, deberá presentar nova solicitude por escrito ante o Concello.

#### **Artigo 10. Procedemento para a adxudicación das hortas**

A utilización das hortas urbanas cualifícase como de uso privativo dos bens de dominio público, segundo o establece o artigo 75.1. do Regulamento de bens das corporacións locais.

O procedemento de adxudicación de parcelas iniciarao de oficio o Concello, previa resolución da alcaldía.

Dita convocatoria publicarase nos taboleiros oficiais do Concello e na web municipal, para que, no prazo establecido (15 días hábiles), as persoas interesadas na autorización de uso das hortas poidan presentar a correspondente solicitude.

Na convocatoria pública farase constar:

- a) Número de hortas cuxo uso poderá autorizarse.
- b) Documentación que deberá acompañar as solicitudes.
- c) Prazo, lugares e horarios de presentación de solicitudes.
- d) Datas de exposición pública das listaxes provisionais e das listaxes definitivas.
- e) Lugar, data e hora do sorteo público.

Non se permite a presentación de máis dunha solicitude por unidade familiar. O incumprimento deste apartado orixinará a exclusión automática das solicitudes.

#### **Artigo 11. Presentación de solicitudes**

A solicitude, no modelo normalizado de instancia (Anexo I) desta ordenanza, presentarase no Rexistro Xeral do Concello de Ames no prazo de quince días hábiles, a partires da publicación da convocatoria. Xunto a solicitude achegarase a seguinte documentación:

- a) Instancia na que se solicita a autorización de uso dunha parcela.
- b) Fotocopia cotexada do DNI ou do documento que legalmente o substitúa.
- c) 2 fotografías recentes.
- d) Fotocopia cotexada do libro de familia.
- e) Se é o caso, informe dos Servizos Sociais do Concello de Ames.
- f) Declaración xurada de compromiso de coidado e mantemento da horta.
- g) Informe médico onde se indique que o/a solicitante e/ou os membros da unidade familiar que vaian a cultivar a horta poden realizar tarefas agrícolas sen risco para a súa saúde.
- h) Calquera documento que se estime oportuno para acreditar as circunstancias especiais que xustifiquen a autorización de uso de hortas sostibles.
- i) O Concello comprobará de oficio o empadramento e a ausencia de infraccións e débedas



tributarias municipais.

### **Artigo 12.- Emenda de documentación e lista de persoas admitidas**

Una vez finalizado o prazo de presentación de solicitudes, expoñerase ao público no taboleiros de anuncios e na páxina web municipal a lista provisional de persoas admitidas. Poderanse presentar reclamacións contra esta no prazo de dez días hábiles, contados desde o día seguinte á exposición da listaxe provisional.

Una vez finalizado este prazo e resoltas as reclamacións presentadas, publicarase a lista definitiva.

### **Artigo 13.- Sistema de adxudicación da autorización.**

1. Unha comisión designada pola Alcaldía será a encargada de avaliar as solicitudes presentadas (lista provisional, alegacións e lista definitiva).
2. A adxudicación da autorización correspóndelle a Alcaldía a proposta da comisión.
3. Para os efectos de autorización, dous ou máis membros dunha mesma unidade familiar considéranse como un mesmo usuario/a.
4. O uso das hortas concederase, en todo caso, a título de autorización demanial en precario por un período máximo de **tres anos**. En consecuencia, o Concello, poderá acordar, en calquera momento, a revogación da autorización de uso concedida, a cuxo efecto, o/a usuario/a deberá cesar no uso e actividades desenvolvidas no terreo cedido, cun simple requirimento da Administración, e sen dereito de indemnización de ningunha clase, nin compensación económica por ningún concepto.
5. Ao finalizar o prazo de autorización ou despois da resolución anticipada desta, de se chegar a producir, a persoa usuaria deberá devolver ao Concello a horta cedida, baleira e en debidas condicións de uso.
6. O sistema de adxudicación das hortas realizarase mediante sorteo público entre todas as solicitudes admitidas dentro do prazo habilitado para tal efecto e tendo en conta as porcentaxes reservadas para emerxencia social e para persoas maiores de 65 anos.
7. Cada solicitante obterá un número de orde no referido sorteo e, segundo este número, elixirá parcela.
8. O sorteo celebrarase baixo a presidencia do alcalde ou do concelleiro/a en quen delegue e en presenza do/a secretario/a do Concello ou do/a funcionario/a en quen delegue que dará fe do acto, Neste sorteo determinarase que horta lle corresponde a cada persoa adxudicataria.
9. Os/as solicitantes que non obteñan parcela, formarán parte dunha lista de agarda.

### **Artigo 14. Autorización definitiva das hortas.**

Unha vez realizada a adxudicación definitiva a resultados do sorteo, procederase no prazo de 15 días a expedir as correspondentes autorizacións demaniais para o uso privativo das hortas aos/as adxudicatarios/as onde se fará constar: a) o número e superficie da parcela concedida, b) duración concreta da autorización e c) as persoas que forman parte da unidade familiar e as que poden acceder para axudar ao/á titular da autorización.

1. A autorización do uso da horta para o seu cultivo no supón, en ningún caso, a transmisión da propiedade do terreo.
2. A autorización de uso é persoal e intransferible e só terá efectos mentres concorran as condicións sinaladas na autorización do uso da horta.
3. O/a beneficiario/a deberá asinar a acta de autorización do uso da parcela (anexo II). A esta acta engadiráselle unha copia desta ordenanza e a ficha técnica ( Anexo III).
4. Crearase unha lista de agarda para o suposto de que algúns dos/as usuarios/as causen baixa antes de esgotar o prazo de uso da parcela.
5. As cuestións litixiosas que surxan sobre a interpretación, modificación, resolución e efectos desta autorización, serán resoltas polo órgano competente do Concello, cuxos acordos poñerán fin á vía administrativa e serán inmediatamente executivos. Contra

os mesmos poderase interpoñer recurso potestativo de reposición ou recurso contencioso administrativo antes os xulgados e tribunais da xurisdición contencioso- administrativa, conforme ao disposto na Lei reguladora de dita xurisdición.

#### **Artigo 15. Novas adxudicacións.**

1. En función das renuncias, baixas, revogacións ou calquera outra cousa que, conforme á presente ordenanza, determine a perda do dereito ao uso das hortas urbanas, poderán determinarse unha nova adxudicación de autorización de uso a favor doutra persoa que cumpra os requisitos establecidos.
2. No suposto de que se constituíse unha lista de agarda dentro do procedemento de adxudicación das hortas, as baixas cubriranse segundo a orde que ocupara cada persoa na referida lista de agarda.

Se non se constituíse lista de agrada, por insuficiencia de solicitudes, abrírase un novo procedemento encamiñado á unha nova autorización. De non existir máis que unha solicitude, adxudicarase directamente e, no caso de máis dunha solicitude, procederase segundo o descrito no artigo 13.

#### **Artigo 16. Usuarios/as**

- 1) O uso dos terreos non poderá transferirse nin cederse a un terceiro, baixo ningún concepto. Ademais queda prohibido permitir a outro a ocupación ou utilización parcial ou total dos terreos, nin sequera provisionalmente. O incumprimento destas obrigas determinará a extinción automática da autorización e facultará ao Concello para recuperar para si a posesión do terreo.
- 2) No suposto de que o adxudicatario non poida atender de forma temporal a horta cuxo uso lle foi autorizada pode delegar noutra persoa. Esta persoa deberá presentar si lle fora requirida polo persoal do Concello a correspondente autorización firmada polo adxudicatario. En todo caso tal delegación non poderá exceder de tres meses.
- 3) É motivo de baixa o abandono do cultivo e do coidado da horta por un período de 3 meses.
- 4) Prohibición de comercialización de produtos. Será factible o intercambio ou troco entre os/as usuarios/as dos produtos obtidos nas parcelas. Queda expresamente prohibida a comercialización destes produtos.
- 5) O aproveitamento e/ou uso do terreo concederáse por tres anos, contado dende o día seguinte ao da notificación da adxudicación.
- 6) Á finalización do período de autorización do uso da horta, o usuario deberá deixar a súa horta baleira e limpa, levantándose acta por parte do Concello do estado no que se entrega, a efectos de esixir posibles responsabilidades.

#### **Artigo 17. Cultivos admitidos e excluídos.**

##### Cultivos admitidos:

- a) Plantas hortícolas e florais de tradición local.
- b) Plantas aromáticas e medicinais.

##### Cultivos excluídos:

- c) Queda excluída a plantación de arbustos e árbores.
- d) Queda expresamente prohibido o cultivo de plantas degradantes do solo e do subsolo, o cultivo de plantas psicotrópicas e/ou prohibidas por lei e o cultivo de transxénicos.

#### **Artigo 18. Fomento da agricultura sostible**

Para tratar de entroncar esta actividade cos métodos tradicionais de labranza, pero sen renunciar a novos coñecementos, as técnicas agrícolas utilizadas serán sostibles.

O Concello promoverá a agricultura sostible mediante formación e apoio. Os/as adxudicatarios/as das hortas deberán asistir ao curso de formación sobre “prácticas sostibles nas hortas urbanas”, impartido polo Concello de Ames antes do inicio da actividade hortícola, e seguirán o manual de boas prácticas de agricultura sostible facilitado no curso.

O cultivo da horta farase de xeito respectuoso co medio ambiente, o que implica o uso de fertilizantes naturais e a minimización do emprego de produtos químicos seguindo as indicacións do manual de boas prácticas de agricultura sostible.

Potenciarase o intercambio e emprego de sementes autóctonas e especies locais que rendibilicen



as características do terreo e as condicións climáticas do Concello.

#### **Artigo 19. Horario**

O horario das hortas determínase en función do mellor aproveitamento das horas de luz solar. Deste xeito, a Horta Municipal permanecerá aberta dende unha hora antes da saída do sol ata unha hora despois do solpor, de luns a domingo, atendendo especialmente a non molestar aos veciños/as con calquera tipo de comportamento ruidoso que altere o descanso.

Os/as distintos/as usuarios/as das hortas deberán respectar de xeito estrito os horarios establecidos en canto á apertura e peche das hortas. O incumprimento reiterado dos citados horarios poderá ser causa de revogación da correspondente autorización de uso.

#### **Artigo 20. Préstamo de utensilios e ferramentas.**

- a) Os/as usuarios/as das hortas recibirán, en concepto de préstamo, útiles de uso común para realizar a actividade agrícola e deberán utilízalos co debido coidado para impedir a súa deterioración.
- b) No caso de que as ferramentas prestadas sufran algún dano que imposibilite o seu uso, deberán comunicalo aos responsables municipais asignados a vixilancia da horta e indicar as causas que motivaron o dano. De igual xeito, o compromiso esténdese á custodia das ferramentas, co fin de evitar calquera incidente que tivese como resultado a perda ou subtracción destas.
- c) Os espazos destinados a gardar as ferramentas comúns deben manterse limpos e en bo estado e os participantes non gardarán nos devanditos lugares obxectos ou roupa particular.
- d) Do mesmo modo, cada beneficiario/a usuario/a debe custodiar o espazo onde se gardan as ferramentas e as súas propias chaves para devolvelas ao Concello, ao finalizar a autorización de uso.
- e) As ferramentas e os demais útiles prestados polo Concello deberán estar en perfecto estado e limpos ao finalizar a autorización. Deberase comunicar calquera dano que se detecte neste material.
- f) En caso de furto ou roubo das ferramentas, o/a usuario/a do horta deberá realizar a denuncia ante a Policía e comunicar o feito ao Concello.

#### **Artigo 21. Inventario de materiais.**

O persoal dependente do Concello, con anterioridade á entrega das autorizacións de uso, deberá realizar un inventario dos bens de uso común que se entregan para empregar nas hortas urbanas. Dito inventario será asinado por cada usuario/a xunto coa acta de autorización de uso.

#### **Artigo 22. Seguimento das hortas sostíbles municipais.**

O Concello levará a cabo un seguimento da xestión das hortas, coa colaboración do departamento de Medio Ambiente, co obxecto de garantir un adecuado desenvolvemento do Programa Municipal de Hortas Sostíbles e Solidarias. Para isto, desenvolverá as seguintes accións:

- a) Seguimento da xestión do recinto e seguimento do mantemento dos espazos individuais e comúns.
- b) Dar as instrucións precisas aos/ás horteláns/as, en relación con calquera aspecto relacionado coa xestión, uso e mantemento das hortas.
- c) Velar polo uso adecuado das hortas.
- d) Fomentar a agricultura ecolóxica.
- e) Promocionar e controlar o uso eficiente e sostíble da auga nas hortas, e promover, se é o caso, novos sistemas de rega.
- f) Atender as necesidades ordinarias dos/as adxudicatarios/as, sempre que o requiran, e xestionar os temas e asuntos de carácter xeral que poidan xurdir.
- g) Inspeccionar o estado das parcelas e das zonas comúns, supervisar o inventario

de materiais, e propoñer, se é o caso, a reposición destes.

- h) Levar seguimento do programa de compostaxe nas hortas.
- i) Programar as actuacións complementarias ao uso e xestión do horta e realizar unha memoria anual.

### **Artigo 23. Comisión Técnica Seguimento**

O Concello creará, por resolución da Alcaldía, unha Comisión Técnica de Seguimento integrada por:

- a) O/a concelleiro/a de Medio Ambiente, que actuará de presidente/a, ou persoa en quen delegue.
- b) O/a concelleiro/a de Desenvolvemento Local, ou concelleiro/a no/a que delegue.
- c) Un/unha técnico/a municipal da Concellaría de Medio Ambiente.
- d) Un/unha técnico/a municipal da Concellaría de Desenvolvemento Local
- e) 2 representantes dos/as usuarios/as das Hortas Urbanas Municipais Solidarias e Sostibles.

Ocasionalmente, con autorización da presidencia, poderán asistir con voz pero sen voto, técnicos expertos, que poidan achegar os seus coñecementos e experiencias.

A Comisión Técnica reunirase semestralmente con carácter ordinario, e con carácter extraordinario por iniciativa do/a presidente ou cando o solicite un mínimo de 3 dos seus membros.

A Comisión Técnica de Seguimento será a encargada de:

- a) O seguimento do funcionamento do programa educativo e de xestión.
- b) Recoller as suxestións dos/as usuarios/as e facer propostas de mellora.
- c) Informar nos conflitos e incidencias relativos ao uso das hortas.
- d) Propoñer a resolución de expediente de revogación da autorización de uso.
- e) Calquera outra función que se lle atribúa en relación ás Hortas Urbanas Municipais Sostibles e Solidarias.

### **Artigo 24. Extinción da autorización**

- 1) O vencemento do prazo.
- 2) Baixa voluntaria por petición do propio usuario/a.
- 3) Morte ou incapacidade sobrevida do usuario/a. Neste caso a horta poderá transmitirse ao seu conxugue, parella de feito ou a un membro da súa unidade familiar, sempre que cumpran os requisitos para ser beneficiarios e polo período que resta para cumprir o prazo da autorización de uso.
- 4) Baixa padrón municipal habitantes.
- 5) Falta de cultivo da parcela durante máis de tres meses consecutivos.
- 6) Desaparición ou perda das circunstancias que motivaron a autorización de uso.
- 7) Utilizar a horta para uso e finalidades diferentes ás que se presentan nesta ordenanza.
- 8) Requirimento do terreo por parte do Concello para obras, servizos, instalacións ou para a construción de infraestruturas ou equipamentos de interese social ou xeral.
- 9) Por imposición dunha sanción, cando se determine expresamente na resolución sancionadora.
- 10) Por mutuo acordo

### **Artigo 25. Dereitos**

- 1) O/a usuario/a só poderá utilizar ou destinar o terreo que se lle concede para uso hortícola, segundo os criterios establecidos na presente ordenanza.
- 2) O/a usuario/a debe executar persoalmente ou coa axuda dos membros da súa unidade familiar os traballos agrícolas, dado que a autorización do uso da horta é persoal e intransferible. Tamén se permite a normal axuda entre usuarios/as.
- 3) O/a adxudicatario/a terá dereito a traballar a parcela adxudicada e gozar dos seus produtos.
- 4) Os/as usuarios/as disporán dun carné que acredite a súa pertenza ás hortas municipais.

### **Artigo 26. Prohibicións**

As parcelas dedicaranse única e exclusivamente a horta familiar. Queda expresamente prohibido:

1. A realización de ningún tipo de obras. En concreto, prohíbese a instalación de valados, grellas, taboleiros fixos ou bancos; construír ou instalar casetas, alpendres, cabanas ou edificacións de calquera tipo, sexan con materiais artificiais ou naturais. Tampouco se permite a construción ou instalación de novos elementos ou a modificación dos existentes, sen autorización previa do Concello.
2. Utilizar a horta como depósito ou almacén de materiais ou de mobiliario.
3. O abandono e acumulación de calquera material alleo á función da horta susceptible de alterar á estética do lugar.
4. A construción de pozos.
5. Instalar galiñeiros e/ou gaiolas para a cría ou posesión de calquera animal.
6. A presenza de animais na horta.
7. Queimar os restos xerados na horta ou realizar calquera tipo de lume.
8. Tirar os restos xerados na horta a outras hortas ou parcelas, e non separar correctamente os residuos xerados para a posterior reciclaxe.
9. Malgastar a auga.
10. Deixar a horta sen traballar.
11. Empregar trampas u outros métodos de captura para a fauna ou cebos con substancias venenosas

#### **Artigo 27. Obrigas**

1. O/a usuario/a da horta será responsable do mantemento e coidado das instalacións inherentes á horta, así como daquelas que sexan de uso común para os usuarios da zona.
2. Os usuarios das hortas comprométese a reparar ou repoñer aqueles bens ou utensilios que resulten danados, destruídos ou extraviados por un uso inadecuado.
3. No momento de entrega da horta determinaranse as instalacións que deban ser consideradas inherentes a esta, co fin de garantir que se encontren en perfecto estado no momento de producirse a baixa, por calquera causa, sendo a antiga persoa usuaria a responsable da falta de elementos das instalacións, así como, dos danos e/ou prexuízos que puidesen existir sobre estes.
4. En todo momento respectaranse os límites de horta establecidos polo Concello.
5. Entre os límites de parcelas poderanse construír canos que ademais de delimitar as hortas, servirán de desaugadoiro dos terreos.
6. As parcelas destinadas a hortas permanecerán abertas e non se permitirá cercalas con estacas ou outros elementos.
7. O/a usuario/a será responsable do correcto estado de acceso á horta. Para iso deberá levar a cabo o mantemento regular que requira.
8. Os horarios de apertura e peche deberán respectarse escrupulosamente.

#### **Artigo 28. Uso da auga para rega**

O Concello determinará o uso e forma da rega.

1. Non se poderá alterar, manipular ou modificar a instalación de rega existente sen autorización municipal.
2. Queda prohibida o rega por aspersión.
3. Cada usuario disporá unicamente da auga diaria que lle sexa asignada. Non poderá utilizar auga doutro/a usuario/a sen a autorización deste/a, nin poderá collela da rede por un punto distinto ao correspondente á súa horta.
4. Queda totalmente prohibida a alteración da frecuencia de apertura de válvulas dende o depósito sen autorización municipal.

#### **Artigo 29. Xestión de residuos:**

Os adxudicatarios/as terán que facerse cargo de xestionar adecuadamente os desperdicios que se produzan.

No se deben deixar desperdicios nin orgánicos nin inorgánicos fóra dos lugares asignados para este fin.

#### **Artigo 30. Uso e mantemento das instalacións comúns.**

Os/as usuarios/as das hortas serán responsables do mantemento e correcto estado de operatividade, decoro e seguridade das hortas.

As persoas usuarias das hortas que non cumpran coas súas responsabilidades, ademais de sufrir as consecuencias xurídicas que procedan, poderán ser dadas de baixa como usuarias das hortas.

Prohíbese a circulación ou estacionamento de vehículos dentro de todas as instalacións (hortas, camiños de repartición, zona de servizos, etc.), agás no espazo destinado para tal fin fóra das hortas.

#### **Artigo 31. Revogación das autorizacións**

A autorización para a explotación dos hortos urbanos poderá revogarse por incumprimento de calquera das normas de uso ás que se fai referencia na presente ordenanza, sen que o seu titular teña dereito a indemnización algunha e sen prexuízo da incoación do expediente sancionador ao que houbera lugar.

#### **Artigo 32. Indemnización de danos e prexuízos.**

Toda persoa que cause danos nas hortas municipais ou instalacións anexas a estas deberá indemnizalos con independencia das sancións que resultaren procedentes.

#### **Artigo 33. Reparación de danos en caso de urxencia.**

Nos supostos nos que sexa inaprazable a reparación de danos e prexuízos, por motivos de seguridade ou por calquera outro debidamente acreditado, poderá procederse á súa inmediata restitución e á esixencia posterior do importe correspondente ao/a causante destes.

#### **Artigo 34. Outras responsabilidades.**

Sen prexuízo do previsto nos artigos precedentes, cando os feitos dos cales se derivaron os danos puidesen ser constitutivos de delito ou falta, remitirase o expediente á xurisdición penal e deixarase en suspenso a tramitación e resolución dos correspondentes expedientes administrativos de esixencia de resarcimento, en tanto non se acorde o sobresemento da causa ou se dite sentenza firme.

#### **Disposición adicional.**

En todo o non previsto nesta ordenanza será de aplicación a Lei de patrimonio das Administracións Públicas e o Regulamento de bens das entidades locais.

#### **Disposición final.**

A presente ordenanza entrará en vigor ao día seguinte da súa publicación íntegra no Boletín Oficial da Provincia da Coruña e unha vez transcorra o prazo previsto no artigo 65.2 da LRBRL en relación ao artigo 70, permanecendo en vigor ata a súa modificación ou derogación expresa.

<b>ANEXO I</b> <b>SOLICITUDE</b> <b>PARA HORTAS URBANAS SOSTIBLES E</b> <b>SOLIDARIAS DO CONCELLO DE AMES</b>	<b>A CUBRIR POLA ADMINISTRACIÓN</b> <b>Rexistro</b>
--	--

**INTERESADO/A**

<b>DNI</b>	<b>Nomes e Apelidos</b>		
<b>Enderezo/Lugar</b>			
<b>Parroquia</b>	<b>C.P.</b>	<b>Municipio</b>	<b>Provincia</b>
<b>Teléfono</b>		<b>Correo electrónico</b>	

**SOLICITO**

AUTORIZACIÓN para o aproveitamento, uso e disfrute dunha das parcelas do Horto Sostible e Solidario, e para o caso de resultar adxudicatario comprometese ao cumprimento do disposto na Ordenanza reguladora do uso dos Hortos Sostibles e Solidarios. Sendo :

☐ Maior de 65 años

☐ Menor de 65 anos

**DOCUMENTACION QUE SE ACOMPAÑA**

- ☐ Fotocopia cotexada do D.N.I ou documento que legalmente o substitúa.
- ☐ 2 Fotografías recentes.
- ☐ Declaración xurada de compromiso de coidado e mantemento do horto
- ☐ Informe médico onde se indique que o solicitante e/ou membros da unidade familiar que vaian a cultivar o horto poden realizar tarefas agrícolas sen risco para a súa saúde.

De SER O CASO

- ☐ Informe dos Servizos Socias do Concello de Ames.

Outros (Indicar cales):

☐ -----  
☐ -----

**ASI MISMO AUTORIZO**

Ao Concello de Ames a comprobar de oficio que estou empadroad/a, e a ausencia de infraccións no cumprimento das obrigas tributarias para con este Concello.

Ames, ..... de ..... do 20.....

Asinado: .....

**SR. ALCALDE-PRESIDENTE DO CONCELLO DE AMES**

Consonte o disposto na lei orgánica 15/1999, do 13 de decembro, de protección de datos de carácter persoal, os seus datos serán tratados de xeito confidencial. Poderán ser incorporados aos ficheiros do Concello de Ames relacionados con este trámite, coa finalidade de utilizalos para as xestións municipais derivados dos procedementos e consultas que inicia a persoa interesada con esta solicitude. En calquera momento poderá exercer os dereitos de acceso, rectificación e oposición comunicándoo mediante un escrito que deberá presentar no Rexistro Xeral do Concello

## ANEXO II

### ACTA DE AUTORIZACIÓN DO USO DE LA PARCELA Nº \_\_\_\_\_ DOS HORTOS URBANOS SOSTIBLES E SOLIDARIOS DO CONCELLO DE AMES.

D/Dª. \_\_\_\_\_, con D.N.I. \_\_\_\_\_,  
domicilio a efectos de notificacións en \_\_\_\_\_, Parroquia de  
\_\_\_\_\_ teléfono \_\_\_\_\_, veciño/a do Concello de Ames.

RECIBE A AUTORIZACIÓN para o uso gratuíto da parcela número \_\_\_, propiedade do  
Concello de Ames, de \_\_\_ m<sup>2</sup> que lle foi outorgada mediante sorteo público celebrado  
no Salón de Plenos do Concello de Ames o día \_\_\_ as \_\_\_ horas, así como as seguintes  
ferramentas: -----

CO COMPROMISO, de cultivar dita parcela de forma ecolóxica durante 1 ano, baixo a  
supervisión do Concello de Ames condicionando esta autorización, ao cumprimento da  
ordenanza municipal REGULADORA DO USO DAS HORTAS ECOLÓXICAS E SOLIDARIAS  
MUNICIPAIS CONSTITUIDAS EN ESPAZOS PÚBLICOS,

E para que así conste, asino a presente acta de Autorización, os Anexos que recollen a  
ordenanza reguladora do Hortos Urbanos Sostible e Solidarios do Concello de Ames e o  
Inventario de materiais de uso común.

En Ames a \_\_\_\_\_ de \_\_\_\_\_ de 20\_\_

POLO CONCELLO

O TITULAR DA AUTORIZACIÓN

José M Miñones Conde  
Alcalde-presidente

D.



**ANEXO III**  
**FICHA TÉCNICA DE USUARIOS/AS**



**TITULAR DA AUTORIZACIÓN DE USO**

Nome e Apelidos:
D.N.I.:
Enderezo:
Teléfono:

**FAMILIARES AUTORIZADOS**

Nome e Apelidos:
D.N.I.:
Enderezo:
Teléfono:

**OBSERVACIÓNS:**

--

### C) PARA CONTROL DO GOBERNO:

#### **Punto Cuarto.- Moción presentada polo grupo municipal Ciudadanos-Partido da Cidadanía o 14 de setembro de 2015 (R.E. núm. 10186) pola liberación de Leopoldo López e demais presos políticos en Venezuela.**

Rematadas as intervencións, o Pleno da Corporación por maioría simple do número legal de membros, co voto en contra dos/as 4 concelleiros/as do grupo municipal Ames Novo, das 3 concelleiras do grupo municipal Contigo Pódese e dos/as 2 concelleiros/as do grupo municipal Bloque Nacionalista Galego, a abstención dos/as 4 concelleiros/as do grupo municipal Socialista e o voto favorable do resto dos/as concelleiros/as presentes da Corporación Municipal, rexeita a moción presentada polo grupo municipal Ciudadanos, con número de rexistro de entrada 10186.

O concelleiro **Ramón García Argibay** solicita que conste en acta que a postura do seu grupo é a favor de todos os presos políticos.

O concelleiro **Blas Garcia** solicita que conste en acta que o partido socialista abstívose porque non está de acordo coa filosofía da moción, sobre todo con algunhas afirmacións que se fan, pero que si están a favor da liberación dos presos políticos venezolanos e do resto de presos políticos que poidan existir.

#### **Moción de urxencia presentada polo grupo municipal Ciudadanos para a adaptación de espazos públicos ao uso compartido por persoas e animais de compañía.**

(.....)

Polo Pleno da Corporación, por unanimidade dos seus membros presentes, ratifícase a urxencia da moción presentada por Francisco Javier López Suárez, do grupo municipal Ciudadanos, para a adaptación de espazos públicos ao uso compartido por persoas e animais de compañía.

(.....)

Tras o debate da moción, o voceiro do grupo municipal Ciudadanos, Francisco Javier López Suárez, solicita que a moción quede enriba da mesa.

Sometida a votación, a petición do voceiro do grupo municipal Ciudadanos, Francisco Javier López Suárez de que a moción quede enriba da mesa, a súa proposta resulta aceptada por unanimidade de todos os membros presentes.

#### **Moción de urxencia presentada o 14 de setembro de 2015 (R.E. núm.10181) por Mª Pilar Candocia Pita para solicitar a adhesión do Concello de Ames á rede de concellos saudables (R.E.C.S.)**

(.....)

Polo Pleno da Corporación, por unanimidade dos seus membros presentes, ratifícase a urxencia da moción presentada por Mª Pilar Candocia Pita para solicitar a adhesión do Concello de Ames á rede de concellos saudables.

(.....)

A moción resulta aprobada por unanimidade dos membros presentes, sendo dita moción do teor literal seguinte:

#### **Moción para solicitar a adhesión do Concello de Ames á rede de concellos saudables (R.E.C.S.)**

##### **Exposición de Motivos**

A saúde é algo máis que a ausencia de enfermidade ou a actividade curativa dos servizos sanitarios: pode crearse se o contorno onde vivimos nos facilita estilos de vida máis sans. As condicións socio-económicas, culturais e ambientais e as actividades dos diferentes sectores (educación, vivenda...) repercuten na vida e o traballo das persoas, nas súas relacións sociais, no

apoio social que reciben e facilitan ou impiden formas de vida saudables. As accións dirixidas a mellorar a saúde deben actuar de maneira máis ampla e ter en conta os diferentes sectores implicados. E os **contornos locais** son os máis próximos á poboación, neles as persoas viven, traballan, estudan, acceden a servizos, desfrutan do ocio, etc. Por isto, os **Gobernos Locais** teñen unha influencia directa na saúde da poboación, mediante as súas políticas de saúde, educación, benestar social, transporte, vivenda, cultura, medio ambiente, urbanismo, seguridade, etc. Algunhas políticas non son na súa totalidade competencia local, porén os seus servizos desenvólvense no ámbito local, polo que a coordinación de esforzos no territorio produce sinerxías moi efectivas para gañar saúde. O ámbito local, por tanto, é un lugar idóneo para mellorar a saúde da poboación, traballando conxuntamente entre sectores e contando coa participación da cidadanía.

O proxecto de **Concellos Saudables** procura mellorar o benestar e o medio ambiente físico, mental e social da cidadanía. Un concello saudable é aquel que dá unha alta prioridade á saúde en todas as súas actuacións. Calquera concello pode ser saudable se se compromete coa saúde, ten unha estrutura para traballar por ela e comeza un proceso para conseguir máis saúde.

A **Rede Española de Cidades Saudables** (RECS) naceu en 1988 na Federación Española de Municipios e Provincias, dentro do Proxecto Europeo de Cidades Saudables que é unha iniciativa internacional, dirixida pola Organización Mundial da Saúde, cuxo obxectivo é a saúde e o desenvolvemento sostible, no nivel local, segundo a estratexia "Saúde para todos". Non importa o tamaño do concello, todos os gobernos locais teñen cabida na rede.

As Entidades Locais que desexen ser membros da Sección deberán acreditar o cumprimento dos seguintes requisitos:

- Compromiso político municipal de adscrición á Sección, expresado por acordo do Pleno.
- Ter elaborado unha análise de situación e un plan de saúde para o municipio ou o compromiso de elaboralos.
- Designación dun responsable político e un responsable técnico, como interlocutores ante e Sección.
- Aceptación das normas de funcionamento.

Así, en virtude do anteriormente exposto, propónse ao Pleno da Corporación a adopción dos seguintes **ACORDOS**.

1. Que o Concello de Ames realice a petición de incorporación á RECS.
2. Nomear como representante política á Concelleira de Sanidade, Luisa Feijóo Montero.
3. Nomear un representante técnico do concello.
4. Comprometerse a elaborar unha programación de obxectivos para o Concello de Ames de cara á consecución dunha vida máis saudable, no primeiro semestre de 2016.

**Moción de urxencia presentada polos Grupos Municipais Socialista, Ames Novo, Contigo Pódese, Pacto x Ames, Bloque Nacionalista Galego e Ciudadanos con motivo da marcha estatal contras as violencias machistas do 7 de novembro de 2015.**

(.....)

A urxencia da moción resulta ratificada coa abstención dos 4 concelleiros/as do grupo municipal Popular e o voto a favor dos restantes 17 concelleiros/as da Corporación Municipal.

(.....)

A moción resulta aprobada por unanimidade dos membros presentes, sendo dita moción do teor literal seguinte:

#### **Exposición de motivos:**

O 7 de novembro de 2015 confluiremos en Madrid miles de persoas de todo o Estado,

convocadas polo Movemento Feminista, para manifestarnos contra as violencias machistas.

Todas as persoas e entidades, especialmente as públicas, estamos emprazadas non só a manifestarnos e contribuír a esta acción cidadá, senón a reactivar e mellorar a prevención e a resposta á subsistencia da violencia machista evidenciada nos casos gravísimos deste verán, dez anos despois da Lei integral contra a violencia de xénero de 2004, das numerosas leis autonómicas e un ano despois da ratificación do Convenio de Istambul (BOE do 06.06.14), que se incumpren substancialmente en canto a prevención no ámbito educativo, que só dan protección laboral ou económica ao 1% das 126.742 denunciante, ou de vivenda, mentres medra a desigualdade que é o caldo de cultivo da violencia.

Os concellos, como institución máis próxima, somos imprescindibles para a prevención e a atención social, xurídica e psicolóxica que establece o artigo 19 da lei estatal de 2004. Con todo, o artigo 27.3.c) da Lei de Réxime Local reformado pola Lei 27/2013 di que os concellos só poderán prestar servizos sociais, de promoción da igualdade de oportunidades e de prevención da violencia contra a muller por delegación do Estado ou da Comunidade Autónoma financiada ao 100%, que en absoluto cobren os 6 millóns da partida 45 do programa 232C de Violencia de Xénero no Proxecto de Orzamentos do Estado 2016.

Por iso, este Concello ACORDA:

- Colocar o 7 de novembro de 2015 na fachada do Concello unha pancarta violeta coa lema «Contra as Violencias Machistas» e promover a participación cidadá na Marcha
- Facelo igualmente cada ano o 25 de novembro, Día internacional contra a violencia cara ás mulleres.
- Soster todos os días do ano, todos os anos, os recursos persoais, materiais e políticos para a igualdade e para a prevención e atención xurídica, social e psicolóxica ás vítimas de violencia machista, cumprindo o art. 19 da Lei Orgánica 1/2004, establecendo un sistema estable de financiamento estatal, autonómica e local a longo prazo.
- Atención estable e de calidade, en condicións de ampla accesibilidade, confidencialidade, protección e anonimato, que inclúa a rehabilitación, avaliación e seguimento, o que leva a xestión pública directa dos servizos para a igualdade e contra a violencia de xénero.
- Contribuír á promoción da igualdade e contra a violencia de xénero en todos os centros e en todas as etapas educativas, cooperando coa comunidade escolar.
- Sensibilización contra o sexismo na actividade cultural, de organización de festexos, de seguridade e convivencia e todas as actuacións e servizos de competencia municipal.
- A erradicación do sexismo, a segregación, o acoso e os estereotipos sexuais en todas as nosas actuacións e servizos.
- Atención especial ás mulleres con discriminación múltiple e outros colectivos agredidos pola violencia machista, como persoas con diversidade sexual, migrantes, con diversidade funcional, en situación de desemprego ou dependentes, e non incorrer na victimización múltiple nos procesos de atención.
- A participación da sociedade civil, en particular as organizacións de mulleres.

Enviar este acordo á Delegación do Goberno para a Violencia de Xénero, para que no seu seguimento e Informes ao GREVIO para a aplicación do Convenio de Istambul que establece o seu artigo 68 inclúa, conforme aos artigos 7.3 e 18.2, as actuacións da administración local.

**Moción de urxencia.- Toma de coñecemento polo Pleno da renuncia da concelleira Ana Ruso Valiña e solicitude de expedición de credencial a favor de Francisco Javier Olmo Olmo**

(.....)

Polo Pleno da Corporación, por unanimidade dos seus membros presentes, ratifícase a urxencia da moción presentada polo Grupo Municipal Popular, para que se tome coñecemento da renuncia como concelleira de Ana Ruso Valiña.

(.....)

Rematadas as intervencións, o Pleno da Corporación toma coñecemento da renuncia presentado ao cargo de concelleira de Ana Ruso Valiña, pertencente ao Grupo Municipal Popular, renuncia presentada por escrito mediante rexistro de entrada 10.486 de 21 de setembro de 2015, e que non ofrece dúbidas da súa autenticidade.

Tomado coñecemento da renuncia, o Pleno declara a vacante producida e acorda remitir copia do expediente á Xunta Electoral Central, solicitando a expedición de credencial a favor do seguinte candidato da lista na que se produciu a vacante (Partido Popular), e que unha vez examinada a lista correspondente resulta ser Francisco Javier Olmo Olmo, con DNI 08.823.207-Q, o cal terá dereito a tomar posesión no primeiro pleno que se celebre, unha vez recibida a credencial e previo cumprimento dos requisitos legalmente establecidos.

### **Punto Quinto .- Rogos e Preguntas**

Intervén o concelleiro **Francisco Javier López Suárez** para formular os seguintes rogos:

**Primeiro rogo.-** Para o concelleiro de Urbanismo. É polo tema das prazas para persoas con mobilidade reducida. Habería que repintar moitas das prazas e colocar sinalización vertical en todas. Mesmo nalgúnhas das novas prazas, non hai esta sinalización vertical; por exemplo, na rúa A Besada de Milladoiro, na Avda. Muiño Vello á altura da futura igrexa e na rúa Agro do Medio á altura do Supercor. Nalgúns casos tamén hai colectores dentro do espazo da propia praza de aparcadoiro, por exemplo na rúa Agro da Vella e rúa da Cruza.

**Segundo rogo.-** Tamén para o Concelleiro de Urbanismo e tamén relacionado co tema da mobilidade. Os pasos de peóns, nalgúns sitios teñen unha altura considerable porque fan coma un chanzo o que para este colectivo lle está supoñendo ao final, unha barreira arquitectónica.

**Terceiro rogo.-** Tamén rogo que se revise a accesibilidade á nova oficina dos partidos da oposición. Hai un chanzo inicial na entrada, que habería que cambiar ou revisar porque unha persoa que queira entrar cunha cadeira de rodas vai a ter moitas dificultades para poder entrar.

**Cuarto rogo.-** Para o concelleiro de Urbanismo, polo problema do afundimento na rúa Pardiñeiros do Milladoiro. Hai unha sección na parte alta da rúa que parece ser que ten un socabon, polo que a xente que vive alí esta preocupada. Non saben porque ven provocado. Rogariamos que se acudise para ver que é o que pasa alí.

**Quinto rogo.-** Tamén para o concelleiro de Urbanismo. Que se volva a tratar o tema da recolocación das marquesiñas da praza da Magdalena. O outro día estivemos alí e hai espazo sobradamente para poñer unha marquesiña entre as árbores. Entre marquesiña e marquesiña hai 3 metros, e entre árbore a árbore hai máis de 4 metros. Fago este rogo para que a xente non se volva a quedar outra vez sen coller o autobús.

**Sexto rogo.-** Este rogo xa se presentou por rexistro. É un tema do ano 2012 que xa se comentou no pleno anterior, non se dou contestación e queremos que se de unha resposta. Na rúa Agriños hai necesidade de poñer lombos ou badens, tanto pola velocidade dos vehículos coma pola afluencia de xente. Por seguridade quixeramos que se tomaran medidas ao respecto. Non so é o tema do badens, senón tamén que se puxese un espello na saída do garaxe desa comunidade, que posibilitase ver se veñen vehículos pola rúa. Xa ten habido algún susto ao respecto.

**Sétimo rogo.-** Para o concelleiro de Deportes, neste caso o alcalde. Dende a oficina de atención ao cidadán nos trasladan un rogo por parte do Milladoiro Sociedade Deportiva. Eles queren saber como esta o estudio sobre o estado das obras das bancadas do campo de fútbol de Milladoiro; tamén queren saber se poden ter autorización para instalar despacho-almacén de equipamentos (actualmente gárdase na propia cantina). Tamén queren saber o estado do arranxo do camiño de subida á cantina, da chaira fronte á mesma, do arranxo do valo exterior que rodea o campo, da instalación dun punto de luz na curva da subida de vehículos ao campo, da creación dunha escaleira enfronte ao aparcadoiro da rúa das Hedras esquina rúa Castiñeiras, e dos traballos de pintado e eliminación de humidades nos vestiarios.

En paralelo ao tema do campo de fútbol, e con obxecto de mellorar a seguridade dos moitos nenos que van adestrarse ao campo de fútbol e resto de peóns que camiñan pola beirarrúa da rúa das Hedras, solicitar a colocación de bolardos desde a rotonda que dá acceso ao

campo de fútbol ata o cruce coa rúa Oliveiras, e así evitar o aparcadoiro de coches encima desa beirarrúa. Quixeramos que deste rogo se lle dera contestación, neste caso á Sociedade Deportiva Milladoiro. Non sei se xa tiveches algunha reunión con eles.

**Oitavo rogo.-** Solicitamos no seu día que se fixese pública a lista de persoal eventual contratado polo Concello así como da titulación específica de cada posto, cumprindo está claro coa lei de protección de datos, pero tamén coa legalidade e a transparencia. Rogo que se dea cumprimento.

**Noveno rogo.-** Referente as axendas que se están facendo por parte do Goberno de Ames, non queremos que sexan unicamente diarios. Rogariamos que nesas axendas, e recordando o que se trataba na moción, se faga unha previsión. É dicir, que cunha semana de antelación se saiba cal é a actividade que van a desempeñar o alcalde e os concelleiros.

Contesta o concelleiro **Bias García**: En relación a estes rogos que presentaches por escrito, concretamente o referente á rúa dos Agriños, dicirche que habitualmente o que estamos facendo é solicitar informe á policía local, antes de colocar nada. Colocar bandas rugosas ou pasos de peóns elevados xeran moito ruído e despois hai moitas queixas dos veciños. Trasladarei estes rogos ao departamento de policía local e xa vos contestaremos cando teñamos os seus informes.

No que respecto aos temas de accesibilidade, dicirche que esta semana estivemos reunidos Luisa, a concelleira de Servizos Sociais, e mais eu cunha persoa de Milladoiro onde nos trasladou case todos estes temas que ti trasladas aquí. Tal e como lle informamos a el, hai certas cousas nas que xa estamos traballando, como os colectores que están ocupando prazas de discapacitados. Tamén hai zonas de nova creación de aparcamentos nas que non hai sinais de prohibido aparcar e non sabemos cal é a razón, e por riba en vez de pintar unha liña de amarelo de prohibido aparcar, pintáronse en branco, non sei os criterios que levaron a facelo así. Nos, de todas formas, estamos revisando todas esas zonas, tanto de Milladoiro como de Bertamiráns, para mellorar a situación.

Continuando co tema de accesibilidade, imaxino que algúns dos concelleiros xa o saberán, pero xa hai un plan de accesibilidade que se fixo fai 6 anos aproximadamente, que esta en Urbanismo. O que vamos a facer é desempolvar ese plan de accesibilidade, mirar como está a situación e mellorar onde sexa necesario. Todas as medidas de accesibilidade, dada a situación económica que ten o concello, agora mesmo non se poden acometer de golpe. A nosa intención é ir facendo ao longo do mandato todo o que podamos.

Respecto ao tema da marquesiña da praza da Madalena, esta semana estiven coa persoa que leva moito tempo solicitando o cambio das marquesiñas. Estivemos Luisa e eu con ela en Milladoiro, mirando posibilidades. Hai unha cousa que expliquei xa no anterior pleno, que é a razón que nos trasladan de por que están así postas as marquesiñas. É por un tema de cuidar a fachada da parte principal da capela da Magdalena. A posibilidade que vimos é mover unha soa das marquesiñas, non para o fronte xusto, senón para o lateral, onde hai mais espazo de beirarrúa e non taparía a fachada principal. Cando teñamos os informes técnicos procederemos, segundo nos indiquen, ou non ao cambio. E sobre o afundimento da rúa Pardiñeiros pasaremos a miralo.

Intervén o **alcalde** que di: No referente á concellería de Deportes me gustaría saber Javier, de que data é esa solicitude que che fan?. Contesta **Javier López**: Mo pasan entre o luns e o martes, non sei exactamente a data.

Continua o **alcalde**: Infórmoche que no tema das gradas levamos 4 reunións co presidente do Milladoiro e con toda a entidade do club. A ultima reunión que tiveron foi a semana pasada, xunto co arquitecto que fixo o proxecto. Nos reunimos no despacho de Alcaldía para preguntarlles polo cambio dese proxecto, como o vían e que outras alternativas daban eles. Por iso me estraña que o luns seguinte vos escriban solicitando esa información. Creo ademais que do que falo esta todo recollido na axenda.

No tocante ao resto de solicitudes sobre o Milladoiro, o concelleiro de obras e mais eu, fai cousa dun mes estivemos vendo todas as actuacións que eran necesarias, e xa empezaron a facerse varias das actuacións.

Intervén **Bias García** que di: Se queredes leo o que nos remite o presidente do Milladoiro, agradecendo todo o traballo que se leva feito esta semana. Textualmente di : *"Agradezo o traballo feito nestas semanas, se fixo mais traballo alí do que se fixo nos últimos anos"*. Non sei de cando é o que ti traes, porque o pintado, arranxo de caldeira e tema de vestiarios xa está feito.

Intervén **Isabel Vaquero** para dicir: A publicación das axendas ten dúas funcionalidades principais.



Unha, axudar aos veciños a que saiban mais ou menos a dispoñibilidade de tempo que teñen os/as concelleiros/as para podelos recibir. Outra, de rendición de contas do que estamos facendo. Cos medios que temos, facer unha previsión dunha semana, a verdade é que ao final despois de darlle moitas voltas pareceunos que non era nada funcional. A principios de semana podes ter unha previsión que che deixa un montón de ocos, entón calquera veciño pode chamar dicindo que lle gustaría reunirse con tal concelleiro tal día a tal hora, porque o ten libre na axenda, pero ao mellor nese momento xa non o ten porque as axendas cambian día a día. Non nos parece moi funcional. Esperamos que algún día poidamos ter na nova aplicación, unha axenda integrada, de tal maneira que vai modificándose no mesmo momento que se modifica a realidade. O que nos pareceu realmente interesante foi publicar a unha semana vista a axenda realmente cumprida, coa intención de facer unha rendición de contas.

Intervén a concelleira **Mª Jesús Bóo Feijóo** para formular o seguinte rogo:

**Décimo rogo.-** Proposta para o concelleiro de Urbanismo ou de Educación, sempre teño dúbidas. É o tema de sempre, o movemento do alumnado do instituto. Cando se desprazan camiñando entre o colexio de primaria e o instituto, hai unha zona de baleiro onde os rapaces teñen que atravesar polo medio dos autobuses, e falo de rapaces pero os profesores tamén pasan andando. Antonte metínme polo medio dos autobuses, facía sol e estaba o chan seco e ía segura de que non ía pasar nada, pero si estivese chovendo, se o chan estivera mollado, seguramente iría cun pouco mais de medo. Hai que resolver ese tema, hai que darlle de algunha maneira unha solución. Entendo que non se pode dar unha solución definitiva neste momento, pero calquera día temos unha desgracia. No momento no que eu baixaba, hai que ter en conta que son as dúas e media e saímos do instituto setecentos e pico alumnos e 60 profesores, moitos camiñando. Os que van camiñando teñen que atravesar en medio dos autobuses, non hai outra opción nun espazo tan pequeno. Algúns dos autobuses chegan nese momento porque veñen de deixar os nenos de primaria. Nesa explanada hai alumnos que están esperando polos autobuses, autobuses que están chegando e os que vamos camiñando meténdonos polo medio. De verdade que non sei coma ata de agora nunca pasou nada. Pido por favor que se abra unha vía, un espazo para que poidamos baixar camiñando sen medo, porque é moi perigoso. Non sei si é para Educación ou para Urbanismo ou compartido, pero o problema angustia. Hai uns días faltaban autobuses dunha hilera e dixeran, xa o resolveron, pero no, era que non chegaran aínda, polo que o meu gozo nun pozo.

Intervén **David Santomil** que di: Realmente a túa preocupación é compartida por toda a comunidade educativa. Asegúroche que estamos poñendo todo pola nosa parte para mellorar a seguridade viaria en torno ao CEIP A Maía e mais do instituto. Imos por fases, pero asegúroche que estamos facendo todo o posible. Agardamos que canto antes se poida solucionar ese problema con medidas de reordenación de tráfico.

Intervén **Blas García** que di: Estamos traballando en varias posibilidades. Unha delas, como di David, é intentar reorganizar o tráfico, pero está complicado. Barallamos a posibilidade de metelos diante do polideportivo pero se coincidían mais de 2 autobuses había problemas para que puideran entrar e saír. Agora mesmo o que vamos facer, e xa estamos pedindo orzamento, é unha especie de beirarrúa ou senda paralela ao instituto, por todo o tramo que non ten beirarrúa, unha senda, un repintado e uns bolardos. Estamos tamén mirando aumentar a iluminación, que é algo que nos pide o CEIP, alumear a saída do propio CEIP, poñendo un foco iluminando todo o treito. Pero estamos traballando nun tema que é mais ambicioso que empezamos fai pouco, estamos negociando cos propietarios da finca que hai enfrente ao instituto, onde hai unha torreta de alta tensión. Son uns terreos entornando aos 1.500-1.600 metros cadrados, hai un propietario maioritario de 1.200 metros e despois hai outros con moi pouco terreo e incluso o concello ten dúas parcelas. Empezamos a negociación co maioritario para saber se estaría disposto a vender. A nosa intención é comprar toda esa zona e adaptala para apeadeiro de autobuses ou polo menos para apeadeiro dunha parte deles, e tamén aproveitalo para aparcadoiro do propio IES e dos pais.

Intervén **Mª Jesús Bóo** que di: Evidentemente eu sempre confío nos técnicos, confío que buscaran solucións. Eu vexo complicado meter os autobuses nese espazo do que falas

porque os buses poden entrar, pero alí quedan, despois non saen. Ao que **Bias García** di: A intención non é de que saian senón que nese terreo se faga un auténtico apeadeiro. Tamén estamos falando coa dirección do instituto para ver se podemos mover uns postes de luz que hai alí para dentro.

Continua **Mª Jesús Bóo**: Igual é un pouco agresivo, pero igual se podería anular parte do aparcamento que hai diante do cole e meter alí dous buses. Eu entendo que é un pouco forte pero penso que a seguridade dos nenos é antes que calquera comodidade. O aparcamento que se vai a crear diante, se se crea, nos vai a ser moi cómodo aos profesores do instituto que agora mesmo estamos aparcando contra abaixo, a min persoalmente escuso levar coche porque aparco mais cerca da miña casa que do instituto, pero iso é comodidade, en cambio o dos buses é un problema.

**Décimo primeiro rogo.-** Para á concellería de Medio Ambiente. É unha proposta, igual xa o tes falado, é o problema da canceira, do servizo que presta Servigal. En Santiago están tratando de resolver o problema de Bando; segundo a miña información están reestruturando completamente Bando. Suxiro que te poñas en contacto, se non o fixeches aínda, respecto deste asunto.

Intervén **Catuxa García** para dicir: Teño falado con Noa, que é a concelleira de Benestar de Santiago deste asunto. Teño unha reunión o día 5 de outubro para falar deste tema. Unha das vías que queremos sondear para tratar este asunto é a da mancomunidade.

Intervén a concelleira **Mª Pilar Candocia Pita** para formular o seguinte rogo:

**Décimo segundo rogo.-** Estamos en tempo de elaboración de ordenanzas, e fago unha proposta xenérica para que se solucionen cousas que se aprobaron aquí e que logo non se chegaron a aplicar de maneira completa. Por exemplo, o tema dos fillos maiores de 18 anos que pasaban a non formar parte da unidade familiar. No tema concreto das piscinas descubertas se solucionou, pero non para a piscina cuberta. Entendo que hai un problema co contrato coa concesionaria pero pedimos que se busque unha solución desde o concello. Non sei cal pode ser, ao mellor podería ser que dalgunha maneira se lles dera unha bolsa ou algún tipo de diñeiro, ou que se negocie coa empresa, pero que se resolva ese problema porque efectivamente é moi custoso para moitas familias. Se hai fillos na casa, todos sabemos que ningún esta independizado aos 18 anos. Se a familia ten dous fillos de 18 a 22 anos, teñen que pagar tres abonos diferentes na piscina cuberta, un familiar mais dous independentes. A proposta é que esta cuestión se recolla en todas as ordenanzas e que tamén se recollan rebaixas para colectivos determinados como poden ser parados, familias numerosas e sobre todo monoparentais. Sempre hai moitos problemas despois para aplicar estes beneficios por non estar recollidos na ordenanzas.

**Décimo terceiro rogo.-** A Asociación de Covas leva insistindo un montón de tempo, anos, nun problema de iluminación. Din que hai unha casa xusto enfrente da escola unitaria que ten alumeado público dentro da finca, mirando para a súa propiedade, non para o camiño público. Que se mire e si é verdade que se actúe en consecuencia e contundentemente. Non é de agora senón de fai moito tempo, e cada vez que hai unha reunión con eles é unha cuestión que sae.

**Décimo cuarto rogo.-** Outra das propostas é polas axendas de transparencia. A nos nos da igual como o goberno organice o traballo, pero nos parece importante que a xente saiba cales son os tempos de atención e iso é tan fácil coma poñer unha cousa de "en tal horario para tales concelleiros" e xa está, de maneira xenérica e non cambiando todas as semanas. A axenda como esta agora, para a transparencia non serve absolutamente para nada porque eu leo aquilo e non sei con quen se entrevistou o concelleiro nin para que, que é a finalidade que ten que exista unha axenda. Que se saiba que temas se trataron, a que se comprometeu ou non o goberno, e de aí non se desprende nada diso. As axendas deberían de ser por separado e senón poden ser semanais, porque hai problemas do que se vai a facer na semana porque acontecen moitas cousas, pode haber outras formas de dar conta que non sexa a axenda. Outra cuestión que ía neses 21 puntos do acordo de investidura, era o de dar conta da xestión en asembleas públicas, pasaron 3 meses e non se fixo. Non falamos desas reunións concretas convocadas para falar do tema do Inventario, senón dar conta do que se fai en asembleas públicas. Ata o momento non sabemos nin tivemos noticia de que se foran a convocar, e xa están sendo convocadas nos concellos do entorno que se comprometeron a facelo. Por iso pregunto se teñen pensado facelo e senón a proposta é que se faga.

Intervén o **alcalde** para dicir: Tomamos nota do tema das ordenanzas porque estamos traballando nelas. Tomamos tamén nota do tema de Covas. E en relación á axenda, creo que xa explicou antes

a concelleira. Unha cousa é dar conta sobre o que fixemos na semana anterior que é a formula que entendemos mellor de cara á transparencia, sempre sen dar nomes por protección de datos e outra cuestión son os resultados das xestións; deste ultimo damos conta no apartado de novas da web.

Intervén **Pilar Candocia** que di: Hai unha web que se chama transparencia.org, que explica o asunto; se entrades veredes que non se cumpre nada do que alí se di.

Continua o **alcalde**: Estamos precisamente traballando sobre ese documento pero precisamos orzamento. Con respecto ao dos 21 puntos, temos mais que revisados os 21 puntos e non teño neses 21 puntos nada sobre esa dación de conta en asembleas da que falas. Eu teño o documento escrito e tentamos cumprir todos os puntos pero iso non figura. Iso non quita que esteamos dispostos a facer esas roldas, e que esta primeira rolda que xa temos anunciada sobre o inventario, vai a servir precisamente para unha primeira toma de contacto con todas as parroquias. Isto non quita que vaíamos facer mais roldas para tratar outros asuntos. A nosa intención é facelo, probablemente semestralmente, que cremos que é o período mais axeitado.

Intervén o concelleiro **Roberto Amarelle Garaban** para formular o seguinte rogo:

**Décimo quinto rogo.-** Unha proposta, o paso de peóns que esta na praza da Canela ten unha baixada tremenda e despois unha subida. Van os carriños e tropezan, e a xente maior tampouco avanza, entón se se pode arranxar dunha vez.

Intervén o concelleiro **Xaime Subiela Pérez** para formular os seguintes rogos:

**Décimo sexto rogo.-** A rendición de contas é un concepto básico nas forzas do goberno e tamén en Ames Novo. É posible efectivamente que esa dación de contas non estea nos 21 puntos do pacto de investidura, pero tanto dende o Bloque Nacionalista Galego, como dende Contigo Pódese, como dende Ames Novo fixemos unha mención expresa a que tiña que haber encontros abertos cos veciños para dar conta do feito, todo os anos, un par de veces, nos distintos sitios, nos distintos núcleos e parroquias. Rogo que se atenda debidamente.

**Décimo sétimo rogo.-** Unha cuestión sobre os recibos do lixo. Nos chegou comunicación de varios veciños e veciñas que lles estaban mandando recibos indicando que tiñan pendente de pago cousas que xa pagaron. Simplemente rogar que se revise.

Contesta o **alcalde** que di: Sei do caso dun veciño que tiña o recibo domiciliado e lle estaban comunicando que non fora posible facer o cargo a través da domiciliación bancaria, e que se puxera en contacto co banco. O que nos traslada este veciño é que el non tiña constancia de que no seu banco se lle retivera esa domiciliación e se lle denegara. É un tema que xa falamos coa UTE.

Intervén **Xaime Subiela** para dicir: No caso que digo, o veciño xa pagara e lle comunicaban que tiña a débeda.

Intervén **Pilar Candocia** que di: Aparécelle no recibo pola parte de atrás que ten a débeda, cando xa a tiña pagada.

O **alcalde** di: Tomamos nota, pero de todas formas que o poña en coñecemento do concello porque non tiñamos constancia.

Intervén **Pilar Candocia** que di: Despois hai algunha xente do rural que segue sen poder pagar o lixo, para que despois non digan que nono pagaron.

Intervén a concelleira **Mª Dolores Fernández Álvarez** para formular o seguinte rogo:

**Décimo oitavo rogo.-** Sobre a problemática do alumeado de Aldea Nova, temos dúas rúas dende fai semanas sen alumeado.

Contesta **Blas García** que di: En Aldea Nova hai un problema que ven derivado do cadro xeral. O que estamos a facer é que de todo o cadro xeral vamos dividindo por partes, para ir localizando os problemas, por iso leva toda a semana porque hai que mirar que fase salta e despois volver a dividir esa fase ata localizar o problema. Hoxe, por exemplo, estivo acendido o alumeado todo o día e foi porque se estaba esperando ver onde saltaba. Queremos solucionalo antes da fin de semana.

**Décimo noveno rogo.-** Outro rogo son as luces do aparcamento do novo local de usos múltiples, sempre están acendidas o que supón unha contaminación lumínica impresionante.

O **alcalde** pregunta: Todas?. Contesta **Mª Dolores Fernández**: Todas non pero é que son moitas. O **alcalde** di que son cinco. **Mª Dolores Fernández** di: Non, son sete contadas.

O **alcalde** di: Tomamos nota. Foi unha das primeiras cousas que falei co inspector da policía e me dixo que apagar parte do alumado conlevaba que despois podían ir alí coches a aparcar xerando outros problemas, que recomendaba que se mantivera o aparcadoiro bastante alumado. En todo caso o miraremos.

**Vixésimo rogo.-** Que se corte a maleza que invade as beirarrúas na estrada que vai dende Aldea Nova a Bertamiráns.

Contesta **Blas García**: Esta solicitado á Xunta de Galicia, concretamente a estradas, que a corte porque é competencia deles. Cortaron subindo e non cortaron baixando, non sabemos cal é a razón. Mandámoslle fai unha semana un escrito solicitando ese corte, e déronlle traslado á Delegación Provincial porque xa houbo varias chamadas de veciños. O que si vamos facer é que se nun prazo de tempo nono cortan pois iremos cortar nos, pero a competencia é deles. Se entramos nos a facelo de oficio despois eles nono fan . O mesmo xa nos pasou coas beirarrúas de Covas, insistimos e finalmente limparon.

Intervén o concelleiro **Ramón García Argibay** para formular os seguintes rogos:

**Vixésimo primeiro rogo.-** É polo tema da axenda, que antes de poñer en marcha a axenda e de facer ese investimento na web, se faga ese investimento en funcionalidades para o departamento de Educación, concretamente para o tema dos comedores, e concretamente para o tema do software de comedores. O da axenda, en aras da transparencia pode ser algo útil, pero as prioridades deberían ser outras.

**Vixésimo segundo rogo.-** Hai un espello indo de Ventín para Bertamiráns, antes xusto da ponte onde esta a autovía; esta tirado no chan. Non estaba roto cando eu pasei por alí fai 3-4 días, ao mellor se pasa alguén por alí o pode recoller e levantar. Contesta o **alcalde**: Mandamos aviso.

**Vixésimo terceiro rogo.-** No Milladoiro, na primeira saída a Rosalía de Castro en dirección Pontevedra-Santiago, solicitaron os veciños se era posible poñer un espello na mediana, porque saen e non teñen moita visibilidade porque hai uns contedores. Ao carón dos contedores hai unha praza de carga e descarga. Polo tanto, aunque se quiten os contedores, se aparca unha furgoneta vamos a estar na mesma. Agora, como os días son cortos é mais necesario, e nos dicían se era posible poñer un espello alí.

Contesta **Blas García**: Non sei se é a mesma, pero hai unha solicitude de colocación de espellos na mediana. Pero é o mesmo que comentaba antes co tema das estradas, non é competencia nosa. Non sei se se trata do mesmo caso pero xa hai unha petición trasladada a Fomento, nese caso hai un informe da policía local. Estamos pendentes de que Fomento nos diga algo.

**Vixésimo cuarto rogo.-** En Costoia, cara Gaiba, hai unha arbore que esta nun balado e que esta invadindo a estrada. Teño a foto así que se queres despois envíochas para que vexas cal é o sitio, mais que nada porque agora ven o inverno.

**Vixésimo quinto rogo.-** Facer unha revisión dos contedores que están nos cruces; era unha queixa xeneralizada de antes e sigue sendo.

**Vixésimo sexto rogo.-** Hai uns veciños que cando van levar os rapaces ao colexio Alca, a grava invade por onde pasan. Rogo que se arranxe porque saltan as pedras.

Intervén **Javier López**, que di: Un inciso antes de pasar a preguntas, señor alcalde. Hai un rogo que trasladei no concernente á facer pública a lista de persoal eventual do concello e a situación específica de cada posto e non se contestou. Contesta o **alcalde**: O vamos a mirar e lle contesto.

### **Preguntas.-**

Intervén o concelleiro **Francisco Javier López Suárez** para formular a seguinte pregunta:

**Primeira pregunta.-** Para á concelleira de Economía e Facenda. O Goberno de España publicou o pasado 25 de xuño no BOE unha modificación da lei hipotecaria e do catastro inmobiliario, para que os chans urbanizables pendentes de construír, paguen o IBI rústico en lugar do urbano.

Aínda que a nova lei entrou en vigor o pasado 25 de xuño, a súa aplicación dependerá dos concellos e do Catastro. Os consistorios estarán desde agora obrigados a comunicar á Dirección Xeral do Catastro a situación urbanística dos seus chans urbanizables, para que pasen á situación



de rústicos os que carezan de ordenación. Como van pagar este ano o IBI eses terreos?. Vai devolver o concello ese diñeiro que dende xuño non lle corresponde cos correspondentes intereses?.

**Segunda pregunta.-** Para o concelleiro de Urbanismo. Se podería trasladar ao Concello de Santiago que limpe a maleza que cobre a beirarrúa de subida, pola marxe dereita en dirección Santiago – Novo Milladoiro, na Avenida Muíño Vello?.

**Terceira pregunta.-** Problemas do mantemento de zonas verdes; comentóusenos este feito na Oficina Virtual de Ciudadanos, concretamente en relación aos setos laterais da rúa Anxeriz do Milladoiro, que están en completo abandono, tamén sobre as árbores de varias rúas (Praza da Magdalena, Travesía do Porto, rúa Palmeiras...), moitos deles están tumbados e/ou rotos.

Contesta **Blas García**: Esta semana estase traballando na rúa Anxeriz e na rúa A Madalena, xa se estivo traballando fai mes e medio o que pasa é que a herba medra mais do desexado.

**Cuarta pregunta.-** Para a concelleira de Medio Ambiente. É unha pregunta que tamén nos trasladan dende a Oficina Virtual. Se vai seguir permitindo a Servigal o sacrificio dos cans aos 20 días?. Hai algunha forma de ampliar o prazo, estades facendo algo para evitar ese tipo de situacións?.

Contesta **Catuxa García**: Plantexouse falar con eles para incrementar o prazo en 10 días mais, pero entendemos que ao final o fin vai a ser o mesmo. O que hai que facer son campañas de educación, concienciación e adopción. Non podemos rescindir o contrato xa que non remata ata outubro do 2016. O que temos é un ano por diante para traballar nunha alternativa. Para iso plantease o tema da mesa de traballo. Mentres tanto, como unha alternativa, o que estamos facendo é un censo animal para ter todos os animais do concello identificados e censados. Tentamos así minorar ou reducir ao máximo posible as entradas en Servigal, porque todas as entradas son de cans e gatos que non están identificados. É a primeira actuación que pretendemos levar adiante.

**Quinta pregunta.-** Para o concelleiro de Educación, con respecto as paradas de bus escolar. Nos trasladan unha proposta relativa ao bus escolar de Ventín, concretamente da parada que coincide na esquina da rúa Palmeiras, ten unha acera moi estreita. A pregunta é se se pode trasladar á Travesía do Porto, onde as aceras son moito mais anchas. A persoa que nos trasladou esta pregunta tamén a ía facer á ANPA de Ventín.

**Sexta pregunta.-** O goberno ten pensado organizar algún tipo de acto no Concello con motivo do día da Hispanidade do 12 de outubro?.

**Sétima pregunta.-** Como esta o tema do Cruceiro de Tarrío?.

**Oitava pregunta.-** Se fixo algún tipo de movemento en relación ao Noitebús?.

**Novena pregunta.-** Para o concelleiro de Urbanismo. Fixo algún tipo de plan para a restauración - renovación da piscina municipal de Milladoiro?. Contesta **Blas García** que aínda non.

**Décima pregunta.-** Referente aos urinarios nas festas patronais. Se comunicou ás comisións de festas que deberían de colocar os urinarios nos eventos que organicen?. **Blas García** di: Contéstosche por escrito.

Intervén **Genma Otero** para dicir: Ao respecto da pregunta que plantexabas polos cambios producidos pola nova lei do Catastro, é un tema que afecta a Economía e tamén a Urbanismo. Hai determinados polígonos que van cambiar a cualificación do solo, van pasar de urbanizables a solo rústico. Iso vai ter unha implicación, no solo urbanística senón tamén económica no imposto de bens inmoables. Ao respecto dicir que Catastro pediu e está a pedir información a todos os concellos para que se lle sinalen cales son os polígonos nos que se da esta circunstancia. Esa información dende o concello xa a mandamos. En canto afecta a Urbanismo, creo que Blas che pode informar mellor e concretamente el foi xunto coa arquitecta municipal a un dos polígonos, o de Portaxil, para falar cos veciños.

Contesta **Blas García**: O Catastro mandou unha Circular para que lle localizásemos todos os polígonos que están afectados pola modificación da lei. Isto foi no mes de xullo e ao día

seguinte xa se lle mandou a información coa localización de tódolos polígonos afectados. Se fixo unha reunión cos veciños de Portanxil, que é o núcleo mais grande de tódolos afectados do Concello, e se lles informou. O que pasa é que tampouco queda nada moi claro na Circular que manda Catastro de como van cobralo este ano, coma rústico ou como urbanizable. Nos entendemos que en principio este ano non van cobralo xa como rústico e foi o que lle trasladamos aos veciños que estaban alí.

Intervén **Javier López** que di: Entón para o ano que ven habería que devolver ese diñeiro.

Intervén **Genma Otero** que di: En principio o cambio afectaría ao IBI do ano 2016.

Intervén **Xaime Subiela** que di: Non sei se podo facer un comentario respecto deste asunto. **Genma Otero** di: Si. Continua **Xaime Subiela**: Tamén afectaría a este asunto un acordo que este concello adoptou.

Intervén o **alcalde** para dicir: Ía dicilo eu agora. Existe un acordo por unanimidade de tódolos grupos municipais para actuar de maneira conxunta e de maneira eficiente neste tema. Por iso, o mesmo día de recibir a comunicación de Catastro se deu orden a Urbanismo para que remitira toda a documentación necesaria, e senón fomos os primeiro débemos ser os segundos en mandar a documentación. O que pon nese escrito que mandan dende Catastro é que será efectiva dende o 1 de xaneiro. Nos pedimos mais información e non a obtivemos, estamos esperando.

Intervén **Pilar Candocia** que di: Pero antes de xullo xa se lle pediu esa documentación ao goberno popular. Contesta o **alcalde**: Diso xa non teño información. Pero a Circular deixa ben claro e se queredes vos pasamos copia, que será a partir do 1 de xaneiro cando empezaran a facer efectiva esa normativa. Nos foi o primeiro que preguntamos, cando vai producir efectos, porque se afecta ao 2015 o temos que ter en conta, pero non temos resposta aínda.

En referencia ao Noitebús, nas diferentes reunións que tiveron cos alcaldes de Teo, Brión, Santiago e Oroso falamos do tema do transporte metropolitano, e da necesidade non de Noitebús senón dunha liña de transporte nocturno. Nesa reunión de traballo técnico xa quedamos en trasladar a necesidade á Consellería ou incluso facer presión. Principalmente nos centramos mais na parte do transporte metropolitano, de esixir o cumprimento dun acordo que existía previo e estamos nesa liña. A proposta que estamos lanzando é ter unha reunión de toda a Área Metropolitana, e cos alcaldes facer un documento común de cara a trasladarlle á Xunta as necesidades que hai, que son evidentes, e unha delas é a do transporte nocturno.

No referente ao día 12 de outubro, non temos previsión de facer ningún tipo de actuación. Existe, coma todos os anos o acto que fai a Garda Civil; se trasladará a invitación dese acto a toda a Corporación.

Intervén **David Santomil** para dicir: En relación ao Cruceiro de Tarrío, no último pleno xa falamos de que atopamos os fragmentos. Xa pedimos dous orzamentos a dúas empresas especializadas en restauración e estamos á espera dun terceiro. Tamén estamos en contacto coa Dirección Xeral de Patrimonio porque unha intervención así require de bastante documentación e estudo previo. Tamén estamos a intervir, aparte do Cruceiro de Tarrío, no de Trasmonte, porque recentemente caeu unha pola dun eucalipto, e tamén no de Agrón porque actualmente está tumbado e incluso estamos valorando a posibilidade dun traslado. Pero en todos os casos estamos nas primeiras fases.

En relación ao da parada de transporte escolar da rúa Palmeira, estamos vendo se é máis viable trasladala á Travesía do Porto ou habilitar unha marquesiña e unha zona de parada de transporte escolar xusto nese punto, que é o que nos trasladan dende a comunidade educativa como máis viable. O teremos que ver a nivel de reordenación do tráfico, pero imos basicamente pola habilitación dunha marquesiña e dunha zona para transporte escolar onde está actualmente a parada.

**Décimo primeira pregunta.-** Con respecto a Travesía da Moa en Milladoiro, en dirección a Garda Civil, o parque que hai alí na zona inferior ten unha altura superior a dous metros. Na medida das posibilidades habería que poñer unha varanda para evitar que os nenos caian por alí. Miren ese tema.

Intervén a concelleira **Mª Jesús Bóo Feijóo** para formular a seguinte pregunta:

**Décimo segunda pregunta.-** Eu traía preguntas, pero a raíz dalgunha cousa que preguntou Javier vou ampliar outra pregunta máis, evidentemente para Catuxa, porque el preguntaba se se



pedira a Servigal que ampliara o prazo, pero realmente Servigal non cumpre con outras obrigas que ten, e ampliar os prazos vai servir de pouco. ¿Se está realmente premendo a Servigal para que pase a información que ten que pasar, e o esta cumprindo?.

Contesta **Catuxa García**: Si, estamos pedindo información, pero hai moita opacidade porque non son claros cando lles pedimos contas.

Intervén **Mª Jesús Bóo** para dicir: E a obriga que teñen de colgar a foto, a están cumprindo?.

Contesta **Catuxa García**: Si. **Mª Jesús Bóo** di: O que pasa é que por moito que se amplíe o prazo se despois non se sabe que animais chegan, tampouco serve de moito.

Intervén **Catuxa García** para dicir: Tamén queremos que a través da paxina web do concello se conciencie aos propietarios para que cumpran coa entrega da ficha.

**Décimo terceira pregunta.-** Un problema medioambiental que se plantexa sempre e que moitos concellos teñen solucionado, a recollida de aceites de uso doméstico. Aquí estaba moi desorganizado, creo que por fin temos unha solución e me encantaría coñecerla. ¿Como se vai resolver a recollida de aceites domésticos?.

Contesta **Catuxa García Mallo**: A vista da forte demanda que hai para que o Concello preste este servizo, e dos beneficios ambientais que conleva a reutilización e recuperación deste residuo, sondeamos varios concellos que o prestaban, mais que nada para coñecer con que empresas estaban a traballar. Case todos traballan coa Procesadora Galega de Alimentos que é a que esta facendo a recollida no punto limpo do Milladoiro.

Puxémonos en contacto con varias empresas pero realmente esta foi a que mais nos convenceu. Quixemos darlle un fundamento xurídico, por iso solicitamos a Urbanismo que nos fixera un informe e obtivemos un informe favorable. Agora estamos á espera da oferta de empresa, para facer un convenio no que a formula que se utilizaría sería a de un contrato menor. De tódalas formulas posibles escolleuse esta porque é un contrato por un importe menor de 18.000 euros e pola urxencia e necesidade da prestación do servizo e con outras formulas demoraríamos mais. Eles o que nos plantexan é a colocación en dúas etapas, colocaríamos 12 contenedores en Milladoiro, un por cada 1.000 habitantes, esa sería a ratio, e 8 en Bertamirás.

Entendemos que tamén hai que dar un servizo ao rural, e eles o que plantexan nunha primeira fase é a colocación de 5 contenedores nos núcleos rurais con mais poboación e no resto, a expensas do volume que se recolla, colocar bidóns nas Casas da Cultura. Logo, en vista da contía recollida pasaríamos a colocación de contenedores físicos. Esta semana que entra xa recibiremos a oferta, sería un pago en especie, que é a mellor opción que consideraron dende o departamento de Secretaria. Sería por un ano, e logo faríase unha valoración do servizo e se as cifras de recollida son óptimas e o servizo ten unha boa acollida, licitaríase por mais tempo.

**Décimo cuarta pregunta.-** Unha pregunta referente ao Ciclo Integral da Auga. Veño ao pleno a preguntar estas cousas, porque me incordia ir a molestar o señor alcalde ao seu despacho para preguntarlle estas cousas, pero xa sabe que estou moi preocupada polo tema. Sei que hai moitas novidades e non recibimos ningunha información. Primeiro, teño unha grande preocupación e entendo que todos os demais tamén por saber que contestou a UTE a esa oferta que se lle facía para prestar o servizo de emerxencia. Entendo que debeu de dicir que si, porque se non saltaron as alarmas é que debemos ter servizo de auga a partir do 31 de outubro. Pero penso que despois de ter unha comisión como tivemos o día 18 onde se nos dixo que había un prazo de 5 días para que a UTE contestara, e xa pasaron días e non sabemos nada, é porque entendo que dixerón que si.

**Décimo quinta pregunta.-** Cando se falaba antes da axenda, eu non quero a axenda do equipo de goberno para ver que ocos teñen, para ver cando podo pedir unha cita ou entrevista porque sei que estades bastante abertos. Eu por agora non tiven ningún problema para falar con ningún de vos, eu non preciso a axenda para buscar eses ocos, aínda que entendo que a veciñanza si pode precisalo. Para min, persoalmente, o importante da axenda non é iso, o importante é saber que vai pasar nos próximos días e no que eu coma concelleira de Ames e membro do grupo municipal Ames Novo, podo aportar. Saber, por

exemplo, que o martes pasado Genma fuches a unha reunión co alcalde de Santiago, de Teo e un representante de AEOPAS para falar da xestión pública do servizo de augas; se eu soubera que ti fías a ir a esa reunión pois igual che houbera dito algo.

Contesta **Genma Otero**: Si eu o souberaj. Me avisaron ese día ás 12 da maña para esa mesma tarde.

Intervén **Mª Jesús Boo** para preguntar: Como é que xurdiu esa reunión?.

Continua **Genma Otero** : As axendas cambian e as veces cambian en horas. Nos chamaron ese día a media maña para dicirnos que había esa xuntanza e que si nos interesaba ir.

Intervén o **alcalde** para dicir: Foi o martes e estamos a xoves. Aínda así, esta publicado na web, reunión coa Asociación Española de Operadores Públicos de Abastecemento e Saneamento, ven recollido todo o procedemento de como foi esa reunión, aí demos conta, e na seguinte convocatoria da comisión que fagamos da auga daremos conta tamén. A ver se nos poñemos de acordo no senso das cousas, creo que maior transparencia da que estamos a ter non se pode. Tamén neste pleno estamos a facer o mesmo, os rogos e preguntas os estamos contestando, pero eu creo que tamén hai que ter un pouco de sentido común, nos avisan no mesmo día para unha reunión e xa dimos conta na web.

Intervén **Mª Jesús Bóo** que di: Esa reunión estaba convocada dende fai bastante tempo porque eu o sabía. Intervén **Genma Otero** que di: A min me chamaron o martes pola maña, de feito tiveron que cambiar a axenda

Intervén o **alcalde**: Pero vostede sabía que estaba invitado o Concello de Ames?.

Contesta **Mª Jesús Bóo**: Non, eu o que sabía era que viñan a falar cos alcaldes. O **alcalde** di: Pois nos nono sabiamos.

Intervén **Mª Jesús Bóo** que di: Eu cando falo de información non digo que convoquedes a comisión da auga nin moitísimo menos, pero o mesmo que se utiliza o whatsapp para informar doutras cousas, pois podíades dicir Chus tranquila, vamos a unha reunión sobre este asunto.

Intervén **Genma Otero** que di: Nos tivemos a xuntanza o martes, nos comunicaron que había esa xuntanza esa mesma maña e despois o sacamos nas novas do día seguinte na paxina web, creo que estamos informando en tempo.

Intervén **Mª Jesús Bóo** que di: Pregunto, o alcalde de Santiago e o alcalde de Teo non informaron ao alcalde de Ames de que un representante de AEOPAS ía a vir a semana seguinte?. Contesta o **alcalde**: Non. Intervén **Genma Otero**: Eu tiña un compromiso esa tarde e tiveron que cambialo para poder asistir.

Intervén **Mª Jesús Bóo** que di: E a pregunta da UTE?. Contesta o **alcalde**: No tocante a UTE, meteu hoxe un escrito solicitando unha ampliación do prazo para dar contestación, por iso non temos aínda contestación. Lles daremos a ampliación de prazo que solicitan e esperaremos a resposta. En relación a este mesmo tema, hoxe tiveron unha reunión con Augas de Galicia, informarei no momento en que teña tempo, pero en todo caso mañá tamén estará en novas na paxina web.

Intervén o concelleiro **Roberto Amarelle Garaban** para formular a seguinte pregunta:

**Décimo sexta pregunta.-** A semana pasada asinaches o contrato de prorroga con Eulen para deportes?. Contesta o **alcalde**: A prorroga con Eulen está asinada polo anterior alcalde no mes de abril.

Intervén o concelleiro **Xaime Subiela Pérez** para formular as seguintes preguntas:

**Décimo sétima pregunta.-** Por que se continua co contrato de escolas deportivas con Eulen e non no caso das culturais?. Habendo como hai uns informes negativos, e habendo tido unha comisión onde estivo o señor alcalde na que quedou acreditado o mal desenvolvemento desa empresa durante dous anos, por que optouse por manter esa empresa para as escolas deportivas?.

Contesta o **alcalde**: O contrato das escolas deportivas xa estaba prorrogado, pero no caso das actividades culturais non, esa é a razón.

**Décimo oitava pregunta.-** Me gustaría saber sobre a razón da visita da Vicepresidenta da Deputación da Coruña xa que se fixo unicamente unha comunicación xenérica. Nos gustaría ter constancia de cal é o cometido da súa visita ao Concello. O digo porque é bastante evidente que en época electoral van a pasear políticos por aquí e quería saber que función institucional tiña a

súa visita.

Contesta o **alcalde**: Certamente a visita foi unha visita institucional na que nos aproveitamos para pedir moitas cousas que temos pendentes. Foi unha visita institucional que solicitan dende Vicepresidencia da Deputación e que aceptamos como aceptamos as que formulan outras entidades.

**Décimo novena pregunta.-** Sobre a cuestión dos refuxiados. Creo que houbo unha reunión de distintos concellos e quería saber quen foi a esa reunión e que cuestións se trataron. O comento porque se puxo en contacto con nos xente do centro de saúde de Milladoiro, profesionais, para poñerse a disposición no caso de que fora necesario no momento da acollida. Xa sei que isto esta aínda un pouco indefinido pero creo hai que recoller a vontade da xente. Como ten pensado tratar este asunto a Xunta de Galicia?

Intervén **Mª Luisa Feijoo** para dicir: Eu non puiden ir a esa reunión porque tiña outra reunión previa. Foi Isabel co Técnico do Concello que esta levando o tema, e agora mesmo o que nos pediron é que lles mandamos un listado dos recursos dos que dispoñemos.

Intervén **Xaime Subiela** que di: Hai algunha previsión de tempo?. Contesta **Mª Luisa Feijoo**: Por agora esta todo no aire. O único que nos pediron a nos e aos demais concellos é que lles enviásemos unha relación de aqueles medios humanos, tanto familias como voluntarios, que temos dispoñibles para ter unha base de datos.

**Vixésima pregunta.-** Saíu na prensa que a concelleira de Economía e Facenda estivera reuníndose cos bancos para tratar o asunto da débeda municipal. Pregunto se na reunión cos bancos introduciu elementos que tiñan que ver co posicionamento municipal, cos compromisos éticos en materia de desafiucamentos, que chegaban incluso a posibilidade de retirada de fondos no caso de que non cumprisen determinados requisitos éticos.

Contesta **Genma Otero**: Estamos traballando de xeito paralelo dúas concellerías. A concelleira de Economía e Facenda esta abordando o tema económico, e a concelleira de Servizos Sociais o tema social.

Intervén **Xaime Subiela** que di: Xusto o que non hai que facer. O trato cos bancos ten que ser único, é a forma de presionar.

Continua **Genma Otero**: Se me deixas acabar podo explicar. Por suposto que as políticas sociais están presentes nas xuntanzas coas entidades bancarias.

Intervén **Xaime Subiela** que di: A relación con eles ten que ser única. O que se lle debe pedir aos bancos por parte dos concellos non é que dean unha limosna ou que nos axuden, senón que xustamente porque somos clientes e temos un posicionamento público ao respecto destes asuntos e queremos establecer unha determinada política, presionar.

Intervén **Genma Otero** que di: A ver Xaime, xa o estamos a facer. Simplemente que eu estou reuníndome coas entidades bancarias e tratando o aspecto económico, o tema da débeda. A outra concelleira trata o aspecto social e de feito, moitas das entidades comentaron diferente tipo de actuacións como a tarxeta social que poden emitir, que se chama tarxeta da dignidade.

Intervén **Xaime Subiela** que di: Iso o dixo Stop Desahucios dende o día ún.

Continua **Genma Otero**: Se esta mirando a dispoñibilidade da bolsa de vivendas que teñen, é dicir, se están mirando estas cuestións de xeito paralelo. A decisión que se tome, por suposto que irá en función do compromiso social das entidades bancarias, que ademais vai no noso programa. Pero cando se están abordando áreas diferentes, como concelleira de Facenda, o meu discurso teño que centralo en intentar reaxustar os tipos de interese, en intentar reagrupar a débeda e conseguir unha mellor condición na subrogación do préstamo.

**Xaime Subiela** di: As políticas sociais ata onde eu alcanzo non se fan do lado dos gastos.

Intervén o **alcalde** para dicir: Perdoa Xaime, pero é que estamos no apartado de preguntas. É evidente que o Regulamento é necesario pero por parte de todos a ver si empezamos a encamiñar os debates e os plenos antes de ter o Regulamento, porque senón entramos nun debate continuo de asuntos que nos leva á a que cheguemos ás 12 da noite, e ao mellor algúns concelleiros non puideron intervir.

Intervén **Genma Otero** para decir: So para finalizar, este foi un primeiro contacto inicial coas entidade bancarias. Cando se plantee unha operación con carácter definitivo, loxicamente veremos o compromiso social das entidades, pero iso será noutra fase posterior. Agora mesmo estamos nunha fase inicial de presentación coma goberno ás entidades, para indicarlles a liña que vamos seguir.

Intervén a concelleira **Mª Pilar Candocia Pita** para formular as seguintes preguntas:

**Vixésima primeira pregunta.-** En relación ao estudo que se esta a facer para o tema de ocupación de vía pública, se esta tratando o tema de ocupación da vía pública polos caixeiros das entidade bancarias?. Hai cidades que o están facendo e lles cobran como se cobra as terrazas.

**Vixésima segunda pregunta.-** Sobre o roupeiro municipal. Chegan queixas pero non polo funcionamento de agora mesmo, senón polo funcionamento no ultimo mandato. Amontoouse moito roupa, ata o extremo que na casa da cultura do Milladoiro chegou a haber ratos nas bolsas. Iso o que fai é que a xente non queira dar a roupa, que considere que é mellor darlla a outra entidade que darlla ao concello porque non esta ben xestionada. A pregunta é, que tedes pensado facer para relanzar de novo o roupeiro municipal?. Tivo unha época que funcionou estupendamente. Tampouco sei en que situación esta o local de Aldea Nova. E tamén quería saber se pensades facer algún tipo de campaña para que a xente saiba cal vai a ser o destino desa roupa, para que dalgún modo podamos retomar o servizo e volver a xerar confianza na xente.

**Vixésima terceira pregunta.-** Para David Santomil, é pola representación dos consellos escolares porque ao final non sei como quedou. Vai so o goberno ou non.

**Vixésima cuarta pregunta.-** Nos a principio de curso sempre facemos unha rolda polos colexios para ver como está a execución das obras que pediron e o resto da situación. En Ventín nos dixeron que quedaron sen pintar varias aulas. A zona de ampliación do cole esta en moi boas condicións porque acaban de facelo novo, pero había unhas aulas que levaban bastante tempo sen pintar; ademais son as aulas dos mais pequenos que tamén necesitaban pintar un zocalo e non se pintou en agosto. A pregunta é por que non se pintaron esas aulas e se se pensa facer nas vacacións do Nadal, porque sería a única opción. E logo que se limpou e se reparou a balaustrada pero que non se pintou. A pregunta é por que no se pinta, porque se efectivamente se limpa e non se pinta cando se queira pintar hai que volver a limpar previamente. Esta información é da semana pasada e non sei se cambiou algo ata agora a situación pero é o que me transmitiu o director.

**Vixésima quinta pregunta.-** Outra cuestión era que estaba comprometido algo de xogos para os nenos maiores, xogos tradicionais de pintado no patio, en que situación está?.

Contesta **David Santomil**: Con Alfredo, o director do colexio de Ventín, estamos en contacto case a diario. Senón se fixo mais foi basicamente por unha cuestión orzamentaria. Tanto o orzamento de Educación coma outros moitos, cando entramos neste goberno estaban esgotados. Aínda así, Ventín foi un dos centros onde mais se esta a investir: a reparación das pistas polideportivas, a limpeza e reparación de humidades e demais. Están na relación de prioridades ou de cousas a facer todas as cuestións que apuntaba na súa intervención, que ademais se comentaron coa ANPA e coa dirección do centro. Se acometeran o antes posible sempre e cando teñamos cartos para facelo. Gustaríanos darlle unha renovación completa ao centro en todas esas cuestións pero por unha cuestión orzamentaria é imposible a día de hoxe.

Intervén **Pilar Candocia** que di: E pintar tampouco se vai pintar?.

Contesta **David Santomil**: Pois dependera da aprobación dos orzamentos 2016. A día de hoxe non hai crédito para acometer unha reforma tan integral, sendo xustamente Ventín o colexio no que mais se investiu co Plan Integral de Mantemento de Centros Escolares. En canto aos consellos escolares temos intención de habilitar o Consello Escolar Municipal, onde estarán representados todos os grupos. Hoxe mesmo enviamos o borrador do Regulamento. Nese caso os consellos escolares de centro serían asumidos por unha representación do goberno municipal. Intervén o **alcalde**, para dicir: Falamos nunha comisión, e preguntamos, e os grupos que non contestaron dixeron que xa nos dirían, e estamos a espera.

Intervén **Isabel González** para dicir: Comparto todo o que acabas de dicir sobre o Roupeiro Municipal. Neste momento estamos volvendo a organizar o roupeiro e estamos coa campaña do voluntariado. Hai moitísima roupa, hai que volver a mirala toda e colocala, e vamos a intentar que o roupeiro volva a ser o que foi no seu día. Esta en Aldea Nova e seguira alí, vamos a intentar



ampliar o local para que as voluntarias poidan traballar mellor porque así é imposible. Outra cousa que queremos facer é cambiar o feito de que na Casa de Cultura quedaba a roupa acumulada, agora todos os venres vaise recoller a roupa que haxa nas Casas da Cultura, co cal o movemento vai a ser mais áxil. A roupa vaise dar mais rápido e non vai a quedar amontoada. Estamos facendo os carteis e vamos a sacar a campaña para coller mais voluntarios.

**Vixésima sexta pregunta.-** Quédame unha pregunta, que xa fixera no pleno anterior e non sei en que situación esta. É a herba que hai que cortar nas fincas privadas pegadas aos edificios no parque do Ameneiral. En que situación está?.

Contesta **Blas García**: Están na situación de que se mandou a notificación aos propietarios e estamos no trámite de alegacións. **Pilar Candocia** di: Pero cando xa se fixeron notificacións previas, hai que repetilo?. Contesta **Blas García**: Hai que voltar a facelo porque son expedientes distintos. **Pilar Candocia** di: Pois ide preparando o seguinte expediente.

Continua **Blas García**: Sobre o tema dos caixeiros, a actual ordenanza non regula polo que non se está cobrando. O grupo socialista no mandato pasado, unha das propostas que fixo foi que os bancos pagaran por ocupación da vía pública cos caixeiros automáticos.

Intervén o concelleiro **Ramón García Argibay** para formular as seguintes preguntas:

**Vixésima sétima pregunta.-** Cómo esta o tema da parcelaria en Biduido?.

Contesta o **alcalde**: A ultima notificación que temos é que estaba na Notaría e non volvemos a ter constancia. Di **Ramón García**: Non se puxeron en contacto con eles?. Contesta o **alcalde**: Non, non nos puxemos en contacto con eles.

**Vixésima oitava pregunta.-** No colexio de Ventín hai unhas caídas de auga históricas que veñen dende o polígono. A pregunta é si teñen algunha medida prevista para o inverno que ven para que non se inunde aquela zona?.

Contesta o **alcalde**: No plan de actuación das necesidades educativas se contemplou de cara ao vindeiro ano. Volvemos sobre o mesmo, o orzamento para este ano non daba para mais actuacións.

Continua **Ramón García** : O orzamento é fundamental pero poden estudar a posibilidade de que os pais poidan entrar por outro lado eses días de chuvia.

Contesta o **alcalde**: Hai que falalo coa dirección pero sabemos que son reticentes.

**Vixésima novena pregunta.-** Tema das beirarrúas de Biduido, tamén están mais baixas.

**Trixésima pregunta.-** Esta é unha pregunta que nos fan. Se é posible publicar nalgún lado ou saber os horarios dos autobuses de Calo. Contesta **Blas García**: Están na paxina web.

**Ramón García** di: Creo que non están ben postos, é algo que me trasladan porque eu non son usuario.

**Trixésima primeira pregunta.-** Os orzamentos están previstos que se fagan en xaneiro?.

Contesta **Genma Otero**: No primeiro trimestre do ano, ese é o obxectivo.

**Ramón García** di: O digo porque se nos damos conta, todo o que estamos falando aquí esta pendente dos orzamentos, ao mellor habería que plantexarse adiantar un pouco os prazos.

Contesta **Genma Otero**: Vamos a intentar que sexa en xaneiro antes que en marzo pero a previsión é a principios de ano. Que pasa co orzamento?, hai un problema. A nova lei de emprego público de Galicia exige que todos os postos estean dotados orzamentariamente, para incluílos teñen que estar na RPT, polo que aquí hai que modificar a RPT do concello. Ese é un proceso complexo que ademais ten que ir a negociación.

**Ramón García**: Pois entón non aprobades mais orzamentos, e levamos sen orzamentos dende o ano 2012.

Continua **Genma Otero**: Por iso pedimos colaboración na Mesa de Negociación. Se expuxo que había que afrontar esta modificación urxente da RPT, independentemente que despois se faga unha modificación mais profunda cunha negociación tamén mais profunda. É un tema que estamos tratando nas reunións de coordinación dos luns, é un tema prioritario, por ser un

requisito imprescindible para aprobar o novo orzamento. A nosa intención é darlle a prioridade que ten para poder facer cousas.

Intervén o concelleiro **Alberto Piñeiro Rodríguez** para formular as seguintes preguntas:

**Trixésima segunda pregunta.-** Para o concelleiro de Obras. Na rúa Pardiñeiros, a altura da saída do parking do Supercor, hai unha serie de baldosas que están soltas e que en ocasións dificultan o paso de carriños de bebés e de xente que va camiñando, que facilmente poden tropezar e caer. Como nono podo facer como rogo o fago como pregunta, poderían acometer o arranxo dese tramo de acera?.

**Trixésima terceira pregunta.-** Para o señor alcalde. Onte chegoume o boletín de noticias do concello. Dentro das noticias viña unha valoración dos primeiros 100 días de goberno, non vou a entrar a valorar a valoración que fai o goberno destes 100 días. Nun dos apartados se falaba de que se mantivera un encontro coa presidenta da Mancomunidade da Serra do Barbanza para estudar a posibilidade de arranxar o problema que se nos ven enriba ao final de ano, onde o concello tería que decidir se entra ou non como membro da Mancomunidade.

No anterior pleno eu preguntei se se puxeran en contacto con Sogama para analizar as dúas opcións. Entendo, porque así o manifestaba a noticia, que deben estar en contactos con Sogama, porque era unha das opcións posibles. Non sei se finalmente mantiveron ese contacto ou non.

Contesta o **alcalde**: Aínda non comenzamos a falar con Sogama porque estamos á espera de que dende a Mancomunidade nos trasladen a documentación que lles solicitamos naquela reunión referente a como lle afectaría economicamente ao concello o feito de entrar de socio de pleno dereito. O paso seguinte, unha vez que saibamos que custe supón para o concello entrar como socio de pleno dereito na Mancomunidade, é cando falariamos con Sogama.

Intervén **Alberto Piñeiro** que di: De todas maneiras se poderían facer as xestións de xeito paralelo, para ir adiantando prazos mais que nada.

Contesta o **alcalde**: Poder se pode, pero o criterio que temos é facelo así. Consideramos que é mellor ter a información do que consideramos primeira opción que é seguir na Mancomunidade.

Intervén **Alberto Piñeiro** que di: Non será un problema despois non poder optar por Sogama por non ter realizada esas xestións previas. Contesta o **alcalde**: Entendemos que non.

Intervén a concelleira **Mª Oliva Agra Costoya** para formular a seguinte pregunta:

**Trixésima cuarta pregunta.-** Para o concelleiro de Urbanismo. Que previsión ten para colocar as farolas na Avenida da Maía?.

Contesta **Blas García**: Como xa dixeran na prensa e aos veciños, en canto cheguen. **Oliva Agra** di: Cando se pediron?. Contesta **Blas García**: Pedíronse no mes de agosto, o que pasa é que en agosto a fábrica está pechada e agora están acumulados pedidos. A contestación que temos é que esperaban mandalas esta semana.

E non habendo mais asuntos que tratar, o señor alcalde presidente deu por rematado o acto e levantou a sesión ás vinte e tres horas e cincuenta minutos do día 24 de setembro de 2015, de todo o que eu como secretaria certifico.

Visto e praxe  
O alcalde

A secretaria